



半行庵詩存彙卷五

五日... 吳縣貝青齋... 天... 吳縣貝青齋... 書...

蜀江夾山走千里無旁鑿惟有鐘口灘如齒破齧豁正當
折流處漏器水澎汎巨舟蟠曲來避溜力旋輪只爭撇漩
靈舵尾魚一鰲莫誤山缺開支港可斜達下注脫偶欹石
穴森窰竅猛若赴壑蛇五丁亦難拔流戶灘左右淘金以
爲活身手習狂瀾寶向貝宮奪爾利日幾何我行倍驚惶
迴頭側掠過奔湍去如潑

半行庵詩存彙 卷五

疊部附庸水朝宗茲合流客臨符縣夕山倚少岷秋游興
懸雙屐躡懷信一舟歛歌聽不得迸入夜狼愁

江津縣卽目

漁洋當日駕輕航飽看秋林豔著霜我到絕無柯子樹祇
餘童阜與髡岡

渝州雜詩

雲際結雄郡周遭俯衆流迤東趨枳縣直北走蓬州峒俗
賔歌改星躔井野收下游臨巨峽形勢控襟喉

此日誇繁盛西川第一城井饒鹽用汲山沃藥堪耕旌旆
清時色鷄豚樂歲聲漢家文教遠猶是古南平

旅人淹匝月攬勝此川塗石氣侵吟褐灘聲沸巨爐故墟
悲蔓子仙洞憶麻姑無限登臨興霜林展齒孤

翁山謁禹廟

南鎮古陵崇吾會訪越中却從巴子國重拜妣王官標橈
千山迴龍蛇四壁空江流今孔亟搔首念神功

龕后祠

森嚴神衛古華粧呱泣會徵四日祥克嗣徽音追女狄誕
生賢子傲娥皇鐵槍峰秀看橫黛石紐村遙引佩璫髣髴
蜺旂三過處入門猶擁百靈翔

渝城舟次作

半行庵詩存藁

卷五

二

石城如白屹江隈登陟須憑健步來百級千層升不盡朝
天門在半天開

初來秋汛正汪洋落去洪濤百丈強沙磧忽成新井里賓
鄉一歲一滄桑

烟巒雲岫一城中雉堞參差氣鬱葱最是市心囂雜處石
梁橫互兩長甬

打魚灣口水生澗溜裏看人鼓棹過迅急不容船直走倒
推斜挽下梁沱

銅鑼峽弔前明巴縣令王公錫

幾閉寇氛熾入蜀恣屠吞守土有賢宰翦之茲峽門歷歷

崖上樹烽火留燒浪舟人指破壘戰蹟能具論出奇公最
善屢擊蟻賊屯姚黃兩巨怒摧拉如枯根餘勇救鄰邑力
掃烟塵昏奈何天不佑衆志隨城奔鬻烙共疆吏九死酬
君恩吹簫不用竹一箭誅凶鯤終見渝水上大慰三忠魂
公與川撫陳士奇重慶知府王
行儉同日死難渝人立三忠祠我聞義憤事恆醪酒一樽
睢陽爲厲鬼被髮來天闕

長壽縣弔雪庵和尚

嗟嗟靖難兵千古足悲愴金川門一開鴟鷲散天仗白帽
加玉頭紅篋變帝相君臣革命秋偏多佛子樣松陽何許
人披緇峽江上象教強皈依烏朝永拱向從亡四十年楚
半行庵詩存彙

卷五

三

涪江懷黃文節公

詩到涪翁闢一塗尋源幾輩溯夔巫打灘澀澗支流雜萬
古西江派有圖涪江源夔州王
共開美射志到涪郡一
舟過涪州欲訪程伊川先生注易洞而不得

卯角讀義經玩注輒神往今日下涪陵遺蹟尤景仰維公
立朝初觴鱗絕欺罔帝側好爲師誠竭經筵講所惜元祐
賢洛蜀分成兩同入黨人碑打盡歸一網竄逐擁舉比美

里有同想聖哲遘艱逆每喜演爻象譙定師弟間吾道繫
消長至今一瓣香光燄騰萬丈小子爾何知茹古心怏怏
翹企鉤深堂樞衣莫由上

鄆都縣戲題

煉丹福地此嗟峨下界無如上界何若論神仙官府事韓
擒祇願作閻羅

荒唐談鬼笑靈巫劍樹刀山果有無莫是世途機太險反
將地獄號平都

忠州訪荔支園故址

依依花柳渺難攀拄策秋林帶暝還挨戶醅頭燒酒熟更
半行庵詩存稟

卷五

四

無人酌白香山

屏風山謁陸忠宣公墓

唐室蒙塵一再存中興制誥尙堪論空教蘇軾常垂鑑早
有陽城爲叩閣劍外衣冠墳七尺山東父老淚雙痕吳蒙
自辛生同郡萬里來招逐客魂

博望灘

漢使尋河源假塗走江峽曾此覆其槎魚腹經一劫至今
濁浪飛作堆浪勢撼山山扇開舟人放膽不敢渡恐有蛟
鰲掀春雷獨不見支磯石畔銀河落天上會容容星託歸
來笑語嚴君平風波畢竟人間惡

巴峽

上游一寸雨下游一丈水峽形戶呀開宵漲灌其裏譬若
臨之江觀濤八月底龕齧夾兩厓中蹙海潮起同此三折
流下注勢尤駛我昨初維舟打椿在沙背曉揭黃篋蓬層
顛忽前時何處秋汎發一夕來匯此怒瀧飛木未鼓漬漱
石齒駕焉趁初陽宕渠浩瀾瀾

石柱司弔秦良玉

西州女子領雄師感切宸章拜賜時
奩史功臣修有表弓
太幼婦織成詞中原妖祲黃巾盛
邊徼奇軍白桿支一樣
左家好名字下游觀望媿鬚眉

半行庵詩存彙

卷五

五

鹽井

吳鹽產自東海邊半盆祇仗鹽司賢
淮揚千里半斥鹵暑
霜春雪滿陌阡蜀鹽乃復從井出
開井之法神工傳架木
懸杵衆夫拽積年一孔禱及淵
井脈深須百丈直井口隘
僅兩拱圓駕牛遠井轆轤轉長筒
下吸粗如椽分槽引水
入釜底磊磊大塊熬作甑其旁更有
灑洑在或油或火相
毗連火井燄烈騰而上油井臭惡腥
且羶煮之不用薪與
炭朝夕摺摺喧青烟開井何難煮
何易利藪所在成市廛
筭禁不如海疆密反覺梟徒皆帖然
我昨黔山訪米洞羅
永庵內流涓涓此洞若果常不竭
刀耕火耨可舍旃今來

胸臆見鹽井細詢鐺戶喜欲顛民生所急在鹽米粒食火
食庶不偏烏蠻蠹蠹鮮知味口舌枯淡腸胃堅茹毛飲血
習成俗天心久爲邊圍憐特向重泉弄狡獪俾得取給如
海峽山深頗能絕私販水至不患漂鹹田從此窮荒變沃
壤中原雁戶紛來遷我家食指八九口巧炊無術恆憂煎
爾耕爾鑿抑何樂詎知世上愁艱鮮湖湘淮漢正災歉急
須仰食東西川惠分餘產及鄰郡豈獨一斗充庖筵日看
楚商收糴去峽底打鼓開江船

西閣東屯舊掩扉

少陵草堂

西閣東屯舊掩扉飢吟心事未嫌非許身稷契村夫子揮
半行庵詩存彙

卷五

六

涕風塵老布衣一柄長饒公有託萬間廣廈我何依錦袍
何似騎鯨客千古江樓逸興飛

夔府雜詩

魚復洲邊繫纜孤周遭濃翠合岷巫斷腸猿狖三聲淚變
色風雲八陣圖關吏稅肥嚴守鑰埃兵烽靖醉眠墟下游
吳會今無事王濬還宜訓舳艫

杜宇聲聲逼耳聞蒼茫古意落邊垠錦江宵漲衝城響玉
壘秋陰匝地熏蜀漢君臣祠下柏楚王父子夢中雲無端
迸入詞人恨高唱巴歛弔夕醺

山樓風颭酒旗偏帶暝登臨思渺然燈影暗收嵐氣溼浪

花喧挾市聲顛荆吳斛轉千艘米瀾灼嵯騰萬井煙自是
益州天府地行商游宦輒流連師古韻風則平去韻
西來秋色接寰斜擁鼻吟成興愈賒三疊漫歌荒驛柳兩
開深負故園花霜前鼓角千家郭峽底星河八月槎惆悵
杜陵懷彩筆暮年詩賦滯天涯沈三公子詩春田心隱臺
蠶營竹枝詞
蠶營妓館名多在渝夔對江間

春至鴛鴦爭避水秋來翡翠暖依山浮家莫笑妾無定總
在巫雲十二間補林韻慈良勝劉潘來神同歸夫同忠
望郎妾如江上石棄妾郎如江上潮顛風三日斷郎渡隔
半行庵詩存彙

卷五

七

著對城江一條
浪裏驚看萍泛跡林梢愁見柳吹絲來時何緩去何速郎
似門前上峽船沈來詩

永安宮懷古

駐蹕空山氣鬱森
猊亭東敗恨何深錦城猶望全師返玉
殿偏教顧命臨六尺藐孤高帝脈三分炎祚老臣心銅臺
一樣傳遺詔未見英雄淚滿襟

白帝城寫望

壞堞翳秋荆登臨夕照明
臥龍祠屋古躍馬陣雲平江納
青衣水峯連赤岬城桓公憑弔處俯聽暮笳鳴

灑瀕堆

驚濤臨峽門銀潢半空吐巨石屹中央衝激浩千古旋渦
陷如坑倒灌河伯府六丁驅怒雷鞭起靈虵舞掀土石不
動劈水成雙股峩峩萬斛舟速若箭離弣直射下關城中
的視茲咀三老自矜能性命與之賈及石始旁折得毋太
莽鹵忠信吾何有輕身涉險阻行坐戒垂堂笑殺守財虜

瞿塘雙厓

終古蛟龍窟巴渠壯此門瀉聲搖地軸石氣肅天閭陰木
蟠厓蟄晴曦照井昏始知神禹績疏鑿果留痕

虎鬚灘

半行庵詩存彙

卷五

八

叱爾山中王渴飲出林岫何年化成石蹲此瞿塘右森森
鬚戟張猙威懾百獸適臨龍所宮兩雄怒奔湊激起鱗之
而爪牙奮相鬪萬古會風雲掀天作雷吼夏漲莫敢攫哮
闕狂若驟我來撩其鬚十月馴伏候飲羽技不神入穴步
能走留爲他日談變色下洪溜

巫山縣

東川此門戶小邑勢全收危堞峰三面通衢峽兩頭天容
常若夜地氣祇宜秋指點高唐觀雲華處處愁

神女廟

風送神鴉返迷離斷峽頭臺荒鎖雲雨山靜掩篔簹妙賦

騷留喬高邱夢入愁嬋娟有遺恨遙睇楚宮秋

巫峽

水勢高建瓴峽形深入甕百里下鎖江畫行若宵夢奇壚
面削爪樹根著無孔下翳氣陰森人鬼一途共嶮巖所巢
窟船石相磨龔耳後起蟄雷砭厖舵尾送攪入邪許聲萬
竅應成剛侮人多巨猿瞑泊輒挪弄投石千仞上蓬背力
能洞相戒乘夕陽爭避出山縫迴瞰十二峯宿雲互如凍
水經注載望帝相鼈令鑿通巫峽功不在禹下惜無
好事者俎豆之故弔以詩

故國何堪問蜀門孟涂分績此留痕君臣同抱千秋恨啼

半行庵詩存稟

卷五

九

盡空山杜宇魂

棺材峽

王喬昔仙去玉棺降自天地師推郭璞棺掩中冷泉何人
營渴葬厝此層厓巔撐空矗千仞猿鳥難飛跼不知引柩
日長縛何從牽或云無支祁有子亂靈淵同律不能制攔
死庚辰鞭水母斂凶骨石榔藏千年此語出齊野俗口頗
相沿遺制似通替暴露蓋半偏哈釘與蜃炭灰劫隨雲烟
惟羨此中人終古長安眠彼哉車馬境斲斷爭墓田

巴東縣

小邑懸厓上人烟一抹橫截灘聊作戶守土不須城絕磴

採棋路寒墟搗練聲雲安行已盡猶有杜鵑鳴

秋風亭懷寇萊公

可惜澶淵應變才偏教遷謫到江隈苦衷難向讒人白豪
學能爲老婢裁驛路竹枝猶解籜神筵蠟淚自成堆傷心
南渡諸名將孤注無從擲一回

歸州

南郡淒涼地冥冥叫子規寒屋催日短亂石蹙城欹拾鐵
孫劉壘傳芭屈宋祠何人攜斗酒來唱郢中詞

兵書峽

武鄉不善兵陳壽筆諸史安肯誤後人韜畧談滿紙如何

半行庵詩存藁

卷五

十

危峽上靈笈競遙指謂有握奇經千秋永度此我昨白帝
城八陣訪遺壘沙磧鎖風雲滾滾走江水今復睇層崖怪
事益難揣金膝或可開玉鈐何足侈運用在一心神算有
微旨趙括讀父書資恨長平死

新灘

一名新崩灘漁洋山人分爲二謂一在巴峽之間
余歷詢川船三老皆祇知有一灘灘在兵書峽口
有南北兩槽古名龍門官漕中峙雞心一石爲峽
江首險一歲壞船以百數土人利之據若肥產有
欲開鑿者輒百法阻撓近設一司馬專轄之子是

水甲水摸託名在官強梁滋甚行旅過之畏如盜
蕪焉附誌數語以冀當事一聞耳

初崩在炎漢再崩在弱晉有明嘉靖年龍起復一震遂令
沸水底崩石森成陣官漕雙溜惡塞墟三級峻舟行莽突
衝刻腹背出及舵師怯所經隔宿先戒慎舟尾繫雙竿懸
匡倒牽引絃石石稜挫火星亂飛燼審定陡放行一擲不
逾瞬浪駕樓千層渦躍并九仍恍推霹靂軍風雨共神迅
前舟望無蹤後舟始追趁猶恐避不及兩舟或騰躡我時
豫登陸駭此川塗進舌橋不能下股栗強相鎮勢撼嶺石
搖壓焉僑將殉

半行庵詩存藁

卷五

十一

下灘船破人物蕩然幸先在驚一身僅存驚定作詩
歛見風檣逐浪摧無多行李奪難回書生共說貧如洗只
我今朝洗過來

百條生命一條存哀絕江頭淚暗吞不道酬神前夜酒滿
船轟飲盡殘魂

最惜詩囊手自刪半生搜翰鬢成班苦吟偏觸陽侯忌不
許長留天地間
飄蓬身世復何之淒切鄰船附載時祇是歸裝無一物入
門未免駭孀慈

空船峽

險踰新崩灘陡下射洪積鷁首昂然臨闖出峽門窄賊楫
如翅張浪頭飛拍拍纍石阻當流鼎峙波臣宅埵竈古所
稱餘燼義難釋改名戒行船懲此三珠石楚燭與吳煌貴
裝多滯役分運賃小舳梭織渡沙脊或募土灘師呼之作
將伯逆命放一漈墮苦飄無跡所以併獲愁行旅多踟躕
我棗靡子遺來此憂轉釋空空下空船江神皆辟易

自龍鬚沱喚小艇重返歸州作

秭歸百里程天險屹千古吾何捨一生重來駕輕鷁奇勝
紛迎眸眎之若無覩習知三峽間危途首堪數山勢蚩尤
旗灘聲塗毒鼓列仗森鉤陳星羅滿水府覆轍悼前經攜
半行庵詩存稟

卷五

十一

辰悵新阻游興逐驚魂招之迷處所禱神無靈祠點鬼有
冥簿終恐一葦杭旋入輪迴苦

再上新灘

一船誤放澎粉碎逐波練一船銜尾來柁折入迴漩落後
又一船覆若奔而殿三船呼吸間樓櫓不存片惟聞號救
聲倉黃滿江面却有救生船一葉去如箭梟沒浪打頭中
流倏不見可憐從井仁亦復遭鬼譴此吾昨所經再至色
猶變譬如兵燹場宿將話前戰偏體撫瘡痕心膽有餘顛
岸民無用耕旁掠以爲膳來船日磕沈溺多不遑援遺患
曾幾人存活返鄉縣我獨去復回仰天淚如霰

贈歸州刺史劉鴻庚

談士羣相告憐才此有人夜闌投刺急境迫膾詩真醇味
千觴酒溫情一榻春未陽逢地主杜老正沈淪

旅感

驚弦困翼遠投林弔影風前淚滿襟此日雄心隨路盡連
宵噩夢落江沈事無可奈惟求醉詩不能忘尙補吟祇恨
鄉關天共遠歲闌東望結窮陰

屈沱謁三閭大夫廟

湘纍千古恨嗚咽楚江聲芳草有時歇憤流何日平故居

三戶在遺祀九歌迎歧路誰憑弔投書感賈生

半行庵詩存藁

卷五

十三

廟後一龕祔祀女嬃碑稱清烈夫人謂是靈均之室
不學可笑姑證以詩

霜碓催倦客辨古入支祠莫解當時罟空滋後世疑孤臣
葬魚腹衆女妬蛾眉爲採椒蘭薦何須怨菜蔬

香溪訪明妃故里

生小苧蘿裏絨芳初去時和戎君有策妾何詞顰態
嗔村女啼粧誤畫師最憐青冢月猶照楚江湄

再下新灘

我生不免溺人笑如此險塗再三蹈祇聞山賊乘人危枉
聘灘師作鄉導前駕大船觸石沈今復小船當石臨放船

大小異趨避最防一石衝雞心凜凜峽行守語忌紛紛魚
腹葬無地他年誓鑿此石平敢告山神無怒睨嗚呼除患
力弗振生還幸荷天赦仁迴首三重風浪裏龍門放過一

詩人三遊洞

蝦蟆碚

暝經扇子峽打鼓收江船荆門十二碛礫柯排當舷蝦蟆
尤突出肖形何蠢然爬沙手脚鈍無緣上青天迴身竄下
界含怒臨重淵雨腥林氣濕石豐苔髮纏窪窪出懸溜口
吻鳴濺濺名亞康王谷云是第四泉宋賢二鸞茗爐銚紛
來煎却惜皴皴背硬筆無留鐫所以夾岡禍殃及無人憐

半行庵詩存彙

卷五

十四

嘉慶中楚商李本忠灌以井油而夾之鑿去十之二我來適殘夜登陟防趾顛坐觀

峽月上流影翻波圓朶頤不敢蝕喜殺盧王川

南津關舟次

水窗聽盡子規啼小泊夷陵古郡西得氣草蟲緣岸上無
依海燕入林棲人來異域何嫌陋山近中原漸肯低珍重
吟身猶健在不堪回首憶鴻泥

三人三遊洞

始遊者三是某某白傅兄弟及元九繼起三遊出一門蘇
家父子眉山叟唐碑宋碣巍然存費我摩挲抄千載後西陵
峽前樹鬱紛洞窾倒吸牢溪雲天鐘地鼓爲誰設卻有奇

巖空中聞如此烟霞夙所仰挽舟招我逆流上倘教豪興
輸古人吟料何由落吾掌予身惟與猿鳥親剗苔剔蘚題
嶙峋拍手僧堂呼月起居然對影成三人

天上下落扁舟東馳抵峽州地初開曠宇水漸放平流遺火
秦兵壘長風楚塞樓卻聞葭莩外雁戶滿中洲

至喜亭下作

灘師欣作賀從此衆灘低醪飲爭沽酒酬神謹磔雞香緣
僧領募吉語客留題闌夜謀歡罷孤情倍慘懷

半行庵詩存彙

卷五

五

上灘打鼓下灘打鑼小船失措大船奈何 船下夔府水
奔峽州一半東注一半西流 夏峽汎水一漩一船冬峽
枯水一石一船 前船已矣後船繼之船船相踵振古及
茲 誰恃忠信誰仗神靈完船出峽今生再生

宜河道中

上牢關接下牢關過眼林墟渺莫攀羊角洲荒留有磧虎
牙戍重扼無山蠻天雨凍晴嵐外江路沙明夕照間如此
征途多滯跡愁看衡嶺雁南還

枝江縣

上明城畔路古亦號丹陽忽憶故鄉遠爲添羈思長秋陰

沈大野水氣泫空荒祇恐多歧誤孤舟接混茫

松滋縣

蘆碕荻渚遠蒼茫埤垠孤城水一方腥市滿江魚減價層
陰匝地雁驚行衝殘岸缺成支港退去潮痕在女牆此邑
原因流戶集傷心重見晉咸康

江陵書感

上游形勢渺愁予縱酒狂歌對碧虛秋到渚宮惟苦雨潮
墮息壤不歸墟古人未免成邱貉名士何從訪鯽魚賦罷
登樓無限恨秦川公子倦游餘

半行庵詩存彙

卷五

六

危隄障一城麗譙低可俯撲地起炊煙蜃氣相吞吐云是
古荆州雄勝擅中土沙水震蕩之遺跡不堪撫惟思江上
潮會搖白衣櫓各懷報主心吳蒙亦神武所惜二國歡盟
敗劉郎浦古人恨常留過客意尤苦戍火出兜零濤聲如
戰鼓

除夕

每逢佳節倍思親摩詰新詩意最真屈指歸程行半載依
然萬里未歸人

荆江舟行雜詩

廿四幫船號舫舫幾幫安穩出歸州枳床梢架全收起只

用長招付掌頭峽江之險全在歸州一歲銅鉛十連及商船中船其王用所敘多未詳盡以余所見船頭豎駕者口梢船腰橫駕者日枳一梢八枳皆以令抱巨木爲之遇泡漩猶斷若摧枯至宜昌始用帆檣准船頭仍用一巨木末作刀形名曰招掌頭見少陵詩註

梢瀆撇漩八寬過換去橈夫滿百多一樣噪聲齊作號蜀

江噍殺楚江和凡遇險灘恐橈夫畏縮必犒以錢名曰打寬自重慶下如臺盤子折尾子廟磯子

牛口八斗金盤嶺新灘空船峽八灘爲最險例打八寬峽船大者用橈夫百人次用四五十人出峽後只用十餘人矣

隄工防潦逐年開撒米中流日幾回拋蕩滾梁驚未定何

堪鐵板擁沙來近歲江沙日長江水日淺隄堰亦日高以致川江漲發不能宜洩氾濫四溢下游鄂

鄂諸郡邑匝被水淹幾與黃河沙患同沙堆從江底突起者名曰泡沙沙片從江面擄至者名曰鐵板沙舟遇之輒

半行庵詩存彙

卷五

膠而陷推投以米始徐徐退去此不知何故然法甚靈驗試之輒應峽船被鼓憤水逼上石者謂之滾梁被迴溜水轉入漩者謂之拋蕩

郢都東畔水連天浩渺平流路一千卻恐迷津無處問指

南須仗引洪船荆江關五六里而水極平淺積沙中梗朝東暮西變遷無定行船往往淤阻必喚漁

船爲前導名曰引洪然漁人亦祇知其近處遠則迷於所向故須隨地易之

公安道中

漫說寒江漲已平荆隄猶混水天明林梢簇簇枯維艇屋

脊鱗鱗溼露城雕面成羣馳惡少鳩形到處泣飢倉何堪

夜半蓬窗冷起看犁星吐左槍

烏堆灘

入蜀此灘頭出蜀此灘尾灘頭行客愁灘尾行客喜荆河
千里流邈迤衍沙觜忽見石巉巖猶與蜀江似譬如弩末
強餘力已全弛我從蜀中來幾作汨羅死迴看上峽船百
丈拽方始人生順逆間大造默驅使莫便慶再生呼伴酒
頻醒明發大江東魚龍渺烟水

石首縣守風

南風兩頭走北風兩頭守

二語石首俚諺

上下驗檣鳥行船過石

首自經郝穴水愈平搶風一帆欹側行江豚拜浪出相送
催我百濮投荒城忽爾寒陽淡無色三日毗嵐吹不息濤
頭恍載靈物嬉墨雲翳若垂天翼篷窗四開時刮開奇寒
半行庵詩存藁

卷五

十六

中人親酒杯打魚卻羨榜人穩一葉江心去復回

洞庭湖口

遠勢荆門落徧從闊處收江湖歸一派清濁界雙流網起
銀鱸躍檣眠鐵鹿浮三朝復三暮風色迴含愁

岳州

水光空處放帆回重聽巖城暮角哀梧野青垂天一角巴
邱自捲浪千堆雨餘沙狗迎潮出風起江豨逐舵來却好
湘君如舊識烟鬢爲我特吹開

神鴉曲

前相呼後相逐神鴉一陣繞檣木舟子祀神波及鴉高擲

喜陪宋文

翔鳳

經舍著書暇出官湘水秋三吳老名士百里小諸侯餘子
孰青眼是翁猶黑頭因何勞駕楫頻渡漢江流

登黃鶴樓感賦

昔過黃鶴樓風利不得泊揮手謝仙人請俟三年約今果

岷巫來當樓片帆落結束雙芒屨踟步踐前諾是時歲始
春人烟轉彫索天吳甫斂威祝融復肆虐水火迭降殃景

物迥非昨可憐十萬屢喘動聚林薄兩載水滔滔生命半

溝壑戊歲水淹漢陽門七尺餘已歲則竟踰城矣可憐十萬艘鱗次排桅絳一

夕火炎炎游魂盡湯鑊樓下塘角泊舟如壘冬月十八日焚燒殆盡人死不能計數迄今兩

半行庵詩存彙

卷五

十

月餘江面殘骸未盡也我如樓上仙御風駕歸鶴閱世追丁蘇撫舊

悲城郭岸改塵海環江失舟市絡斯樓天地中鎚碎亦何
愕地勝劫留灰民瘼醫待藥塗炭共爾憐旆席究誰託况

茲歲饑憂適當客游惡酸笛斷遠吹濁醪傾憤酌題壁縱
狂言我何古人弱

桃花夫人廟

蟲到新聲淚幾行未亡人在息先亡羞他花蕊深官裏偷

畫張仙祀蜀王

黃鶴曲

田水白泱泱枯蘆立泥淖飢雀繞蘆飛中田遇黃鶴黃鶴

奮翅翽上天下見城郭荒江邊沈沈水府生人烟忽聽臨
風吹簾簾紅旗淋雨城頭出嗚呼救荒乃用兵盜竿孰敢
來近城殘年安堵幸無恐奈此雁戶方哀鳴

登大別山寫望

導漢由嶠冢朝宗匯此墟沔沌輸灌處陵谷變遷餘鎖鑰

三江固風雲百戰虛憑高思禹德未免歎其魚

得慎信聞林師因病謝政

輕裘緩帶足風流驀地牙旗萬里收詎是行邊躬易瘁

巡閱黔疆因病中止正如醫國藥難投名山待振千秋業

公許於歸田後以詩示重鎮粗安八督州遙想歸轅攀不住五華山色亦含

半行庵詩存彙

卷五

三

愁

舟泊漢陽一月觸目悲來雜成六絕

翼際山前走怒瀧魚龍負氣未全降驚看城上行舟路危

堞猶存繫纜椿

萬商輻重比星稠菜色何堪總似秋猶有笙歌宵半起此

間原號小蘇州

後湖多少好樓臺豔聚流亡垵萬堆掘盡枯芟成赤土游

人還說踏青來

裙屐晴嬉野外春酒傭留飲草棚新漫云烟火經時斷市

上而今有醉人

佛界無端歎陸沈歸元寺裏幾行吟江湖浴出阿羅漢五
百裝嚴盡退金

發棠誰不憶前秋路畔黔敖粥一甌惜我鄰疆囊米至都
如角黍擲洪流

赤鼻山下夜泊

我愛黃州守風流玉局仙名山三赤壁畫舫兩青蓮月色
仍良夜江聲自昔年伊誰復高唱屬和洞簫邊

蘄州書感

秋情曾共柳依依詎料重來景盡非獵獵野風吹短鬢荒
荒斜日上征衣驛驢阻船通騎漁舍人空浪拍扉畢竟

半行庵詩存彙

卷五

三

稻梁何處足飢鴻祇望隔江飛

道士泐

舟下黃州城川陸兩平行百里見巉崖烟樹莽峭嶠岷流
若陣蛇中腰當楚甸突起鎮巖巖橫障江半面昔人割鴻
溝南北幾水戰天險扼至今山垓戍兵弁其下走風雷色
共旌旗變海濫檄防邊艦師亦雄選英思入我懷蒼茫此
長晒斜出積布圻迤東勢相偈巉礧森利鋸雪濤互飛練
迴聽吹角聲江雲黯如澱

卽目

三五漁舟佈陣開鳴榔聲裏勢喧庭浪花飛捲腥風急喜

見鱗鯉起汕來
西非舟中望匡廬
笑用紙言寄詩
退朝轉一日暮風
送
溼翠撲江船
迷濛九疊屏
雨涵溢浦白雲
接峽山青古社
名僧塔幽棲
處土星羨他蘇
玉局眞箇叩巖
扁
萬里奔濤一葉
舟大雷前岸小
勾留歸來適過
陶潛宅興
發還登庾亮樓
飛鳥迎人如舊
識荒蘆匝地起
新愁借風
爲向江神禱送
我蒲帆十幅抽
出共飛青嶽
巖瀟風雨
寒
琴瑟亭下作
一料
窗前
露
濕
登
巖
瀑
雨
染
茶
澗
昔讀白傅溥陽
篇興發欲泛溥
陽船今果乘風
江上至快
半行庵詩存彙

卷五

三

酬宿願三十年
琵琶亭子屹然
在詩魂酒魂何
處邊但見
城郭淨如畫斜
陽一抹蓬窗前
溢浦迢迢歇秋
雨柴桑脈
脈升井煙匡廬
倒影浴江水翻
出九派青娟娟
櫂風沐雨
露眞面雲中五
老仙乎仙登高
曠覽忽失笑古
人所見無
乃偏領此佳郡
歎淪謫宦游何
地方欣然忠州
花柳詎勝
此乃招巴樂開
妓筵戀戀杭州
亦復爾吳娘一
曲情纏綿
何獨江州慘無
憐坐對商婦雙
淚漣三州我各
訪游跡窟
窩豈必分媿妍
始知古人興所
觸眼前景物皆
蹄筌偶焉
酒悲亦至性後
人奚用加言詮
我生蜉蝣一旦
暮風流安
得相後先一塵
出守無此福萬
里行邁誰相牽
擬向江山

作地主青衫慘黯難留連今夜歸帆泊沙際萍飄梗斷強
自憐鄰舫淒淒江月白岸燈閃閃春風顛山歌村笛聲四
絕況思纖手鳴么絃詩成妬俟老嫗解重與半格翻新編

彭澤縣

瀕江古名邑九派下通津跨嶺城圍堞依洲市列闔隱無
容滕地官有折腰人種秫沿成俗家家甕釀春

舟過馬當山

王子賦詩去沈水我今脫水來賦詩餘生不恥居王後祗
恐山神爾未知

潛水口紀事

半行庵詩存彙

卷五

五

朝發潯陽江駛行三百里帶暝投皖城土囊風怒起巨浪
打柁樓掀空若山峙赴黃帽郎帆楫猛難使我舟幸臨
港膠碇陷沙觜伏作蘆中人驚面猶灰死駭絕衆鄰船箭
管收不止萬斛如羽輕騰踔颺輪裏飄簸入中流葦渡亂
羣蟻慈救苦無航彼岸迷所指向曉天霽威恬波平若砥
卻見半段槍斷桅滿中泚

酬張太守

應雲

昔披鐵衲襦斫陣赴前仗今撥銅琵琶臨江發高唱十年
搏沙聚幾回春風一笑揚帆來皖公山色喜相迓晴翠卻
逐君顏開走伴貽我囊中句昨事重提甬江路墨瀋難消

海氣昏筆花猶帶軍容怒我去將經舊戰場蕭蕭襍被渡
錢塘蠶船飄忽蜃樓幻請把君詩弔國殤

借程生游四照園

康濟門邊路曲環何人別墅在城灣雨添池水延鷗至風
約林香引蝶還籬畔栽花依雉堞窗間讀書看龍山嬉春
莫道渾無賴消得羈情半晌閒

漫興

入泊潛陽岸樓船似陸居宵眼多警犬時食換新魚風信
吹將盡潮期至不虛獨教游子跡留滯兩句餘

贈宋丈

來鳳

半行庵詩存彙

卷五

三五

大宋鄂渚邊小宋測江上我乘千里流邂逅兩尊丈盛年
挾策爭先鞭揮手一別成華顛我喪官舫兩頭至卻供我
輩相流連水窗一甌共茗話欽君學如江九派沐日浴月
百寶生筆底波濤走靈怪竭來浪跡無好懷一曲祥琴聲
未諧宰相梅花尙書杏春風遲蹋長安街我自遐陬倦游
返東望白雲親舍遠明發帆檣有去留相期努力加餐飯

荻港月夜

宵征不藉風帆利有月當空皓無際水天混合兩生明萬
頃滄波一萍寄四山如睡雲氣沈冰輪湧出江中心恍惚
驪珠夜光吐羣鱗浴浪翻彩金此時塵翳無著處掠舟只

有鶴飛渡廣寒宮闕杳莫攀夢逐江妃蹋波去

蕪湖游鄧園遇石

巖英

因贈王重簡

勞燕忽相值東西如有期見時忘姓字揖罷認鬚眉花木
寓公舍絃匏耆宿帷十年重一面他日憶鳩茲

蟪蛄孫夫人祠

片石江干奠繡甍依稀步障舊珠明慟餘靈澤歸無妹借
去荊州館有甥身殉難消家國恨師婚早誤蜀吳盟劉郎
浦下東流水直到祠門不肯平

天門山風阻

夏夏拽滿帆駕馬下江潯快茲順水流中溜忽危阻颶母

半行庵詩存臺

卷五

五

來海溟攪空赫斯怒統統驅春雷擺蕩淵客府震起渴睡
龍倒暎一江雨眩目掣金蛇燦光射樓艫同侶暈滿船狼
藉紛嘔吐呼佛亂羣聲膜掌頻拜俯險難我慣經談笑屢
鎮撫幸生得至今何畏箕伯侮三日浪甫平新潮漲尺五

牛渚舟行

沙磧白鄰鄰西江暝色新飽風帆十幅邀月酒三巡高詠
宮袍客靈潛赤幘人青山饒古趣停楫負良辰

駐馬河

俗名芝蔴河

末路數英雄莫如烏江口臨風奠憤王重傾垓下酒想王
駐馬初執策躊躇久父老媿江東王氣復何有亭長亦奇

流頰爾羲舟守脫手贈烏騅請絕渡江走遺恨留至今陰
火颯林藪神騎夜悲嘶聲挾怒濤吼誰知逐鹿人戰骨同
一朽勝廣悼鳴狐韓彭慘烹狗莫自歎天亡西郊哭鬼母

喜題

觀此田家樂江行得未會晴筵喧社鼓宵市亂春燈釀熟
筍千盞香吹麥滿塍卻聞新搯輯編戶比前增

金陵雜感

駿魚天氣悄停橈大小長干舊路遙萬里人歸塵滿鬢春
風吹上石城橋

惆悵秦淮宿漲渾六朝金粉洗猶存墜歡難認三生跡酒

半行庵詩存彙

卷五

七

清青衫雜淚痕

激激波紋鏡樣鋪莫愁餘韻怨蘼蕪一堤圍住銷魂水不
放流紅到別湖

釵叢重入嬾低徊花月蠻中一笑回畢竟風懷消不得自
攜桃葉渡江來

半臂涼添淺醉餘晚潮時候上燈初白門風起楊花亂蕩
得春愁水不如

丁簾亞檻記綢繆惱殺西風十度游多感呢喃雙燕語祇
宜春至不宜秋

運鉛船

余在峽江擬作鉛船雜事詩日所訪聞夜輒成詠
頗資當事采覽繼在新崩灘失其稿遂與敗不復
吟今抵瓜洲將與鉛船分道而行姑補一詩聊存
崖畧云爾

京師鑄錢須用鉛鉛船萬里來窮邊三百八灘放出峽七
十二牖挽上天一年四運有成例前運後運迭相繼給發
運銀萬八千製造運船二十四運官領運無休假船丁詢
詢吁可怕幸得平安官可升脫遇風波罰無赦往往天津
去拆船變賣還須補鉛價農部收鉛京局中鑄鉛入銅爐
火紅鑄出鉛錢輪郭劣殺鏈取鉛將毋同嗚呼錢政何由
半行庵詩存彙 卷五 二五

京口

江帆南轉處鐵甕古城存船乍收平港人如覩里門殘塵
兵燹跡斷堰海潮痕行役三年返重從去日論

丹陽道中

短堦長亭下潤州接程催發不停留每嫌橋至桅多礙恰
喜潮來屨放流耳熟漸聞鄉語輒心寬倍覺水聲柔漫言
連歲收無粒猶見糧艘擠滿洲

泔墅關

咫尺望閭門歸心如火速奈隔泔墅關淹此一宵宿我裝

薄可憐關吏猶注目呼僕送青錢揮手遭叱辱謂我蜀中
回應攜米多斛唶唶來勘艚窮搜若推鞠夙聞救水災免
稅招販鬻自當源源來汎舟踵相續何以米價高鄰糶猶
畏縮道旁逢巨商含憤爲我告免稅沐 皇仁私稅苦吏
毒會激內諫官慷慨奏牘畢竟弊難除筦權倍殘酷所
以歲薦饑莫敢輸之粟我聽此言悲仰天頻躑躅發糶振
急需征商課嚴督時事我何知還家歆齋粥

自題南游小草卽示故園諸子

天教匹馬走窮邊收拾雲山入一鞭奇句終慚李昌谷罪
言休比杜樊川百蠻情態鬼盈紙萬里瘡痍淚滿船莫怪
半行庵詩存案

卷五

无

陽侯全奪去歸裝長物此殘編

蠲振謠

飢戶一簞粥蠲戶百石穀朝聞飢戶曉暮聞蠲戶哭城中
派蠲何擾擾城外發振何草草堂堂坐者顧而嘻盡瘁民
依心可表心可表悵弗矜蠲戶含咽賣田產飢戶糜骨填
溝塍明年荒政斂勞績拜章入奏官高升

半行庵詩存彙卷六

吳縣貝青喬子木

歸白黔蜀閱十九日復有浙西之役慨成二詩

遠遊倏三載里居僅兩旬飢驅不遑息行色催蹶輪母髮
梳有雪婦手炊無薪歲荒或凍餒歸與共苦辛乃復迫離
緒歡聚無幾辰家若傳舍棲止多逡巡艸艸理吟篋茫
茫逐征塵此行祇千里稍慰閭望人

親故問我至紛來扣門牖知我又將行悵情各低首睠此
衡宇歡何事四方走奢土不易居酸土尤難守蠻中一歲
糧吳下一宵酒久棲枯涸鄉歸駭俗何阜外炫繪益華中
半行庵詩存彙卷六

卷六

一

枵蠹將朽憂悴凋故顏家食軫吾友

夜飲山塘卽席留贈

歌筵燈舫畫橋陰萬里歸人快共臨此夕旗亭狂賭唱頻
年楚澤倦行吟渾拚綺譙傾千盞那便緇塵洗一襟隄柳
依然榮別恨明宵歡夢倍難尋

平望舟次

進艇松陵路向南熟梅天氣雨初酣桑陰兩岸濃如幄記
著蠻鄉榭餽鱸

擢歌唱暝出菰蒲助我吟聲入夜孤誰補曝書亭裏曲鶯
湖原合配鴛湖

薛思蘿情載滿航尊前風味問漁莊
竭來飽噉官庖肉何似銀魚日
三筐似銀魚日三筐舟過嘉興似銀魚日三筐舊識漸江路初程便繫思
破疑蘇小墓圓夢冷仙祠前事
留塵跡新愁感鬢絲停橈三塔下
鈴語助淒其似銀魚日三筐石門道中似銀魚日三筐烟雨空濛際
歌帆過秀州柳隄通水驛桑陌出
城樓賽社絲聞市祈年麥報秋
翻教饑饉後緩稅得無愁

半行庵詩存彙

卷六

二

復巖城隔一重似銀魚日三筐曉程烟外去帆孤
惜未尋春問酒壚一過錢塘一相訪
空留舊約在西湖似銀魚日三筐舉世孰思義
一身能發之有人禱藏七此卒祖交
鉞靈祀鄉開社祭褒史載詞治官須
範鐵雪憤鄂王祠似銀魚日三筐

禹航感舊

林翠不改色一路西溪邊
幾折到闌市步履重流連
阿父昔游幕舉室曾來遷
一瞬三十載掃跡如飄烟
故居認門徑分畀犁作田
兒戲舊栽柳百尺池東偏
猶記弱好弄盤

馬戲廣阡阿父爲驚笑縱轡兒防顛此事如昨日此恨遂
終天水程一宵宿風樹雙淚漣

玲瓏山臥龍寺爲宋妓琴操薰修處明萬厯中掘地
得墓碑好事者遂爲築冢馬道經其地詩以弔之

團雲小隊鳳窠中懺盡情場一夢空今日墓門來弔客不
嫌冷落梵王宮

紅啼綠怨幾番過老大催人祇剎那絕倒風流蘇學士也
將春夢付村婆

貞珉別蘚認遺文坑底青蓮火未焚一樣埋香三尺冢何
如海上哭朝雲

半行庵詩存彙

卷六

三

新溪早行

曉烟溼不飛低撲一溪水搖漾晨曦光霏陰掩霞綺野趣
隨所欣旅行莫由止鵝鳩啼引人一路篔簹裏吹萬夏綠
雲雨思滿遙沚甘澤欣良苗清臭悅芳芷溪上誰幽棲雙
扉晏未啟

過錢吳越王故里

我行石鑑村前路正過婆留降生處龍飛鳳舞天目山宜
有異人發祥去羅平鳥集妖燄流鹽販割據東南脈射潮
怒奮三千弩跨海雄吞十四州扈從歸來此巖岫衣錦之
榮耀者舊豪興不滅歌風臺林木滿山盡文繡至今世紀

蒼水湄鐵券華胄千秋垂地連懸記謹師寺名重表忠蘇
子碑所惜雄才乘運起祇一朱梁節度使事魏不失孫仲
謀尊唐終愧李亞子我撫英跡爲歎吁如此人豪無遠圖
他日湖山縱還我依然半壁支偏隅

於潛道中

撲面林霏冷似秋籃輿蹋翠度潛州雪連玉柱羣峰暝鑛
闕金罄小鴉幽山朮野芎開藥市紫溪赤瀨合茗流洞天
間有雙清在遲我奚囊一覽收

贈昌化程七明府

飢來橐筆走邊垠猶記河梁袂乍分養母三年能諾我論
半行庵詩存裏

卷六

四

交四海要推君互看衰鬢霜將集爲話離棕酒易醺底事
初栽花滿縣宦情早淡若浮雲

雙溪

一派蓬溪燕尾開雙流我見此三回杜陵僑寓東西灑漫
叟幽棲大小洞勝地儘容吾輩賞名山偏讓古人才髯蘇
去後林亭寂禊事誰修曲水隈

題林靈素眞武符咒碑

宣和有碑此南渡唐昌縣前屹當路誰將楷法書琅經金
門羽客林靈素北極一咒標靈符合配教主神鷹圖急急
律令七百載磨泐幸未埋榛蕪我思東華帝君下御宇雙

臣金童妃玉女斗醮方臨白鶴壇邊塵不問黃龍府五雷
右判爾何官誘脅君心入深壘幸早羽化歸下泉斃仙未
罹兵解苦不然妖妄若郭忠六丁六甲矜奇功倉猝天兵
竄如鬼礮車騰灼神霄宮嗚呼良獄樊樓蕩無跡留此丹
房一片石志心弟子供香花募拓猶稱鎮凶宅爾不聞假
託乩仙藍道行曾摧天水冰山傾是或辟邪有寶籙何用
敕勒誇中盟

約友游天目

兩浙林巒寄興孤甌思雁蕩枯仙都裏糧數到東西目聯
轡看成主客圖淨域從君談勝跡名山待我了吟連傳聞
半行庵詩存臺

卷六

五

洗眼池猶在好帶金甌入嶠壺

循雙溪上南屏山游普照寺雨至而返

小邑山作城周遭拱衛固中貫帶水流分派爭下赴晨陟
出溪上長杠怯吾步旣濟迤向南巨麓莽盤互松栝陰森
森三折上山路蒼黛撲縣齋詭狀久神慕及此措策臨一
起烟霞痼

寺衲下山忙雙扉鍵丈室塵土來款扉箕踞態何逸貝典
夙未諳邑乘古能迹光騰般若臺三字坡仙筆揭榜懸龍
蛇勢挾棟雲出助我吟膽豪閑彼禪心謚捧喝古律師藐
茲佛子蝨

一笑別虎溪晴紅收梵塔颺發自西南雲陣四山匝走空
響乾雷中攝雨聲雜喚渡無梭船投宿鮮繩榻深恐歸路
遙避淋莫吾納喘奔及縣門檐溜放點颯迴顧天茫茫抹
卻巖翠沓

讀史偶感

伴罷堂餐啟薦函避賢能舉替人擔紙糊泥堞平生業一
事差強作美談

夜起

更盡悄無睡起行庭宇間階霜警虛枕簷月定空山暮怯
燈搖燄囊羞酒破怪忽聞林送響暝鶴踏枝還

半行庵詩存彙

卷六

六

同人以余納姬投詩見調賦此爲答

遠齋鏡具返邊睡營到菟裘向後時大婦病多思佐饋慈
親年暮待舍飴懷安詎忘鞍消牌卻老休嗔躡去髭一頰
青衫閒檢點香山心事小蠻知

自題齋壁

遠廬松竹逕彎環儘許幽禽日往還隱几靜聽雙磡水捲
簾深貯一房山書摹玉枕纖毫弱詩媿金荃綺句刪容我
此間常養拙有何塵夢到人寰

登武隆山絕頂望天目

翔鳳林開古洞天迢迢入望翠微巔赤城霞氣三霄迴黃

海雲濤萬頃連此處臥游勞夢想幾番朋約負吟篇何時
擺脫塵鞿縛快向雙清作散仙重來望眼來蒞澗壑
題畫
髻鬢晴嬉一院春此中棖觸豈無因棘門灞上如兒戲我
亦曾爲冷眼人將金瓶毒酒醉巖峯遊談笑清幽錄開市
吟成最易感春華多少離悰付柳花吹入東風難捉住零
星萍跡滿天涯
一舟旅館書懷
七尺昂藏負所期幾經摺折入時宜幕中伴食諸名士麻
下傭工一小姐齒冷強隨花共笑心雄惟賸劍能知商量
半行庵詩存彙

卷六

七

身世渾無賴辛苦吟成有斷髭
林文忠公誄詞

一代新朝政歡聲動紫樞世方開運會公遽殉馳驅
王事嗟何亟臣身信已劬竭誠天北闕留憤海東隅烟
毒財傾府兵塵火走爐戎勳將唱凱吏議竟罹辜犀照然
臨渚狼奔納入邪金牌遠節鎮鐵券錫羌奴割地紛開市
尋盟擅縱俘刺春先皇遺誓箭無祠主奮威弧四罪終遭
褫羣工爲辨誣風雲拱繡陛日月麗瓊都連牘爭延
薦臨軒特允俞宸衷堅倚重衆望切來蘇解紱初歸
里徵書早在途禮隆心倍蓋食少體成臞病榻調停藥雕

輪促駕蒲進思陳稼穡處肯戀粉榆適警潢池叛宜加泳
野誅使臣齎一尺東私第拜兵符力疾趨灘水行營過粵
禹放圍遑敢緩醫國奈先痛夜冷飛星隕秋高大樹枯武
鄉臨表泣宗澤渡河呼氣短騰槽馬聲揚集幕烏讖成坡
落鳳妖長戎鳴狐藤峽懸軍待榕城返觀扶應知藐躬瘁
翻覺三厚恩孤三黼座精求治盈廷顯作模健旋時局轉
雄振武功膚頌勒涪溪石詩賡慶歷圖中興欣有象良弼
契尤孚三特召頌三節願征賜百旅三聖襟垂展俟神馭
跨箕祖幸值三龍飛瑞虛承驥卒需昌期眞負頁大用祇
區區迴憶巖疆靖滅蒙闔澤敷在官嚴篋篋頭盜肅荏苒
半行庵詩存臺

卷六

八

寒峻揚眉盛編氓鼓腹娛年饑忘菜色春暖護棠株去諫
荒郵遠旋看沃野蕪鼠殘郊食黍鴻餒澤棲蘆餉迫西陲
給糧疲北漕輸江鄉空村柚河溢費芟芻島戶潛營窟山
谿莽負喙和戎多魏絳攘狄少夷吾再起籌帷幄初經燻
火荼旌麾新色變鑊吹故音喁按部民歌袴迎師路挈壺
敵驚纔碎膽天奪倏捐軀裏革終蠻甸攀髯繼三鼎湖
九原遺憾在四海替人無杜預多才彥韓門有豎儒罷驚
充下駟啄菽及羈雜灞土曾磨盾階前復濫竽三年親聚
戰萬里歷欬嘔喜躍聞傳檄依投願執三編教私設位何
自祭當衛拒腕聽輿論推心惜三廟謨宏材施沫盡干竹

怨洪爐
得伴梅花睡不鰓風簾影動夢初還生憎促曙譙聲急
耐消寒酒力慳耿壁疎燈青隱樹冒檐涼霧白沈山休嫌
夜色清如許世慮須從靜處刪

濤聲萬壑沸喬松墜戶圍爐逸興濃日燥廚薪添熱爨水
枯溪碓息寒春吟邊炙硯融開凍醉裏冰齋脆入供多少
茅簷官事急殘年雞犬擾租庸

半行庵詩存臺卷六
九

首祚吹開大地春蠲租恩詔下江津追呼倍見官符急
連夜荒村吏捉人

春郊卽目

滿郭林霏積翠涵迎眸山趣愜幽探溪流受雨添春漲日
氣蒸雲見夕嵐遶陌靡蕪看放犢連村簫鼓聽祈蠶嬉晴
何用香塵路狂趁花晨鬪錦驂

武隆山

步出縣西門訪古忻平寺磅礴指崇岡李唐事可記應識
在武隆女主鍾王氣唐山忽改稱復辟中宗世天下屬誰
家二姓爭此地我來陟荒麓風雲有餘媿鸚翅折不飛龍

種起相嗣嗟爾川嶽靈猥爲牝朝瑞新豐有慶山名亦僞
周賜何如五鎮榮明皇遣官祭

遣興

粟留啼徹好林塘賓暑羈情漸坐忘太白酒懷宵一斗小
紅詩課日三章機心溪畔看鷗警狂態花間笑蝶忙靜裏
不知春事去迸泥新笋出鄰牆

澄寂寺

盤磴夾兩厓蒙茸塞衆綠樵外來跡稀地苔厚如褥道經
此峯切道暑叩僧築露莽鬱遙岑風籟遞虛谷松陰十里
涼掩翳層梯曲午蔭逼火雲罅漏光倒燭中藏古石龕叢
半行庵詩存臺

卷六

十

灌紛相束綠壁藤垂纓鳴砌泉漱玉烟情爽一襟塵跡淹
雙躅睨此幽境佳奈彼游暑促戴笠下陽岡咄咄炎歊酷
桐廬

溪流斜抱半城偏投暝征篷纜渚烟巖瀨夜濤墮到枕桐
山朝翠潑當舫曳聲蟬度林墟密出網魚登水市鮮差喜
江風吹暑散涼窗穩我枕書眠

富春江觀潮

舟下七里瀧江闊勢漸拓潮平穩放帆快我乘風樂柁轉
開郊墟言抵富春郭是時日西沈暝色斂遙漠東望互海
門夕汐闐然作一白天際來雪浪排空落吞吐隨神鷗中

或駕鯨鯉震撼隄脚搖奔騰山態活怪哉胥種靈奮此怒
濤惡三日何失期一射何引卻臨流弔問之英魄得無作
爵酒杯頻傾投詩稿屢削海月烟茫茫水窗坐吟酌
鏡盒釵奩載半舸五湖歸去一娉婷蠻妝乍改容難冶吳
語能調舌自靈侑酒偏教先我醉敲詩常索解伊聽嬌慙
莫恃全家愛無下齋鹽要憤經

新涼

一院秋光向暝生蕭閑晨愜病餘情茅檐雨歇蟪蛄織瓜
架風涼絡緯鳴飮座朋歡親酒榼下帷書課就燈檠欣聞
半行麈詩存臺

卷六

七

四野炊煙盛夕膳嘗新有早秔

祖觀上人營生壙於五峯山祖塋側其地去支道林
落鶴觀及陳白陽金聖歎二墓皆相距不數舍也繪

圖索題爲書五絕

五峯環列翠螺堆指點佳城傍麓開喜殺山中千歲鶴支

公行見後身來

風吹宿草掩芳塵名輩棲神聚漆燈此地不容埋俗骨天
教留穴待詩僧

道仙冷抱此重開圻把鴉鋤次第栽分種梅花三千樹墓
門香接寺門來

餘技名高鐵檻中手揮琬石自能工請留元祕南原塔無
事書丹雘柳公

梨花寒食幾番春
番祭何堪賸子身
料理他年新麥飯
好隨衣鉢付傳人

全雞墩寫望

芳筵午飲罷酣呼
花市梢頭野步孤
游騎勒人臨寺住
吟笻送我過橋扶
梯收柱蕊黃盈
壠繩押菱秧綠半
湖攬此家林添夙
悵頻年浪跡負尊
鱸

閨中秋示諸弟

庭桂吹香滿座浮
偏從歡聚話離愁
今年兩醉家山月
補半行庵詩存臺
卷六
得他鄉五度秋

蓬門

蓬門纔見卸征輪
忽又郵程迫去津
在客祇思歸奉母
到家仍復出依人
聚難惟囑書頻寄
別慣方知淚最眞
禁得薄游能幾度
驚心親鬢頓如銀

九日有懷

連夕清霜減翠嵐
雁聲流恨滿江南
百年歡會宜重九
萬里知交孰二三
風雨秋深催去夢
關河兵阻斷來函
天涯幾處登高客
插到茱萸思不堪

寄懷楚友

大有騷情楚澤留關河搖落迴生愁峽猿啼月黃陵廟江
鶴橫風赤壁舟游跡幾人在載酒賦才從古倦登樓荆雲
郢樹無消息悽絕涼天雁到秋

桂嶺

桂嶺風烟百戰中苦無消息問南鴻更番露布傳三捷依
舊風聲駭八公遠服徵兵傾列郡中原轉餉困司農大星
飛墜軍興始更望何人振武功

明孝惠邵太后昌化人也偶檢縣志感及議禮事爲
賦此詩

唐昌西十都軼事詳邑志云有漕卒家昔曾誕皇嫗侈談
半行庵詩存彙

卷六

四百年門楣留舊第我思嘉靖朝羣臣爭濮議憲祖一寔
妃誰爲上尊諡新進張桂流邪說更古制進冊奉慈殿徽
號稱仁懿寵及椒房親五等封罔替大禮聚訟繁外戚邀
恩異獨惜廷杖人撼門徒任氣

憶銀

流 粵西戎幕

狂歔蜃市憤難平况復鄉關苦戰爭萬里棄官援故土一
家嬰敵陷圍城危疆愁絕蒼梧野堅壁驚摧細柳營莫怪
笳聲吹不競軍威早挫在東瀛

海昌蘇

士本 屬題鹿院紀游圖

匡廬首推白蓮社名流代有棲真者一從鹿洞陳皋比聖

域宏開鄙風雅羨君濟孺道滿胷曾向靈境窺儒宗五岳
求仙非所慕底事飛躡青芙蓉徵國象山夙欽仰同耶異
耶一而兩後生幸得依門牆六百餘年入緬想當時座下
環衆嵐就中五老如朝參得毋尼山降庭後重來聽講吾
道南迄今貌取付圖繪先哲餘芬展猶在自是紫陽私淑
人方許升堂一相對我肯溢浦揚輕帆尋勝惜未攀雲巖
會須鼓篋隨君去攜手名山叩石函

哀甬東

鄞縣賦額浮徵逾倍東鄉衆戶闕求減價當事謂

爲亂民撤兵往剿丁壯懼而逃惟婦稚在室淫掠

半行庵詩存彙

卷六

十四

之於是四鄉公憤併力出拒兵民互傷以千數怪
哉此事爰記以詩

海氛甫戢兵又起祇爲官中急追比狼烽一夕紅過江血
染連村成戰壘耕男饑婦猛一省鬪饑飲死猶警往時
催科管在譬今時催科及在頸嗟爾不許官取盈堂堂師
出誠有名烏夷旁睨大驚詫此軍獨敢鋒鏑

寄晚程三

沂海

紛紛傷逝淚沾膺作達如君得未曾垂死病中傾別酒滿
堂豪譁夜張燈

野興

有何盤谷足徜徉旅寄郊坵便長墟樹團烟藏古寺山
溪漲雨進輕航久思避地瘵蘿徑準擬移家置草堂除卻
故鄉皆樂土耕桑容易辦官糧

詠史

龜錯籌邊爵濫施誰知作俑誤來茲秩官諧價常開邸商
販邀榮競犒師縱使貲郎財盡竭何堪債帥餉空糜漫言
腐史多騰謗平準書猶未盡詞美三皇早逝中興曠金

山衙

潤跡山衙任久淹小園日涉趣頗添竹扶稚菊排當砌繩
引秋瓜蔓上檐樂命奚疑陶令酒感時多難杜陵饑野人
半行庵詩存彙卷六

卷六

七

何計希前哲搔首風塵思莫緘

觀演長生殿雜劇

譜按寬裳李阿瞞梨園舊部此重看雄關警報兵何急內
殿酣歌讌未闌一代浪誇初政美三唐早識中興難金錢
會裏琵琶曲彈向江南淚不乾

關中對策既畢硯有餘墨青二絕於號壁

席帽場中逐隊嬉倒細幾輩笑同貽問他揚鱗賓興日當

代椒山是阿誰

朱衣漫自點頭頻策到時艱孰竟陳安得陽明來作事今
宵空際喚三人

羣公

清時袞袞炫輕肥多故方知粉飾非百爾歸思懸畫錦萬
幾樞務任宵衣臨戎有策談心學封事無章競腹誹終望
羣公憂國淚盡情揮洒到民依

擬唐人塞下曲

漫想官人製戰衣幾時溫卹到金微內臣傳說天顏喜博
局雙毬早賜緋

六泉季父積善西院探梅遺墨

野寺尋春徑熟諳廿年重向畫中參花情寂似吟朋社門
祚衰於古佛龕澤縱能存人已杳樹猶如此我何堪披圖
半行庵詩存彙

卷六

六

無限蘭亭感記著曾隨杖履探

流聞

理財桑孔計何工株送城佻爵武功絕倒紛紛窮措大漫
思銅臭染齋宮

歸里後江

賡

設飲卽席呈徐

晉鏞

管轄

天籟喜樹

歲晏家林暫息鞍芳鄰招讌具壺餐茫茫世路游非易款
款鄉情得最難多故江山兵警急承平閭巷酒懷寬吾儕
能幾博沙聚莫怪臨觴語帶酸

除夕

頻年風雪阻歸裝今夕依依共一堂設祭先筵悲久曠佐

餐鄉味快重嘗故園燈火猶安堵游地烟塵半戰場來日
懸知愁似海不辭沈醉引千觴

青浦縣舟夜

此處狼烽昨起煙悽惶過客警宵眠岸燈分照鄉團柵津
櫂嚴巡旅泊船亂後原田遺滯穗焚餘墟市葺新廬戴牛
佩憤緣何事略緩追呼便帖然

正六 滬濱旅感

華夷珍怪互招搖贏得鯨膏暫息囂蒿中原財力竭驚
心邊澁物情饒極天花月喧宵市發海金銀湧午潮衆醉
何容中獨醒儘拚曾次借杯澆

半行庵詩存彙

卷六

七

春郊誌憤

元戎引得敵鋒來雲見東南半壁摧方擬三年平桂管何
期萬里逼蘇臺風霾匝月昏遮日地震連宵奮走雷推驗
五行徒駭愕料應天發殺機開

邊聲動地越長沙楚尾吳頭亂似麻挺險岸兵擅帳裂順
流江賊錦帆斜山墟螿聚遷成垤水市蜂喧散若衙天塹
重重皆鎖鑰伊誰堅守靜鳴笳

興元宣詔下 楓宸士氣緣何激不振河北倉皇廿四郡

江東闌寂八千人鳧飛邑宰潛退舉鼠竄疆臣亂出巡幾
輩勉爲溝瀆殉衷忠幸得被 恩綸

岌岌姑蘇累卵危，愁聽城角咽。風吹義旗召，募椎埋喜戎。
幄參謀，駟僧知輦送，盜糧求緩敵。檄傳番舶乞，援師終軍。
初志吾猶在，極望神州淚暗垂。

移家至浙西作

吳儂安享久，風鶴忽相驚。埃火傳千里，炊烟散一城。介推
偕母隱，冀缺挈妻耕。道跡辭鄉土，時危去住輕。

舟過杭州書所見

東籬開府建牙璋，震若黃巾近。犯疆鼎沸一城兵，聚鬪磬
懸萬室主逃亡。水關雲集謹封鑰，江路風狂亂去檣。較遠
金閨三百里，戒嚴刁斗太張皇。

半行庵詩存彙

卷六

六

自臨安至於潛夜宿浮溪旅店作

一路驚風捲地寒，相逢翁媪話辛酸。村農告瘁思懸耜，山
賊乘機競揭竿。孤館翦燈情黯淡，幾家支枕夢平安。何當
寄語催租吏，稍許耕桑手足寬。

旅窗雜感

何處仙源可避秦，僑居山僻幾淹旬。鶯花故土懸千里，雞
黍荒村洽四鄰。虛願躬耕長沒世，漫將家累暫依人。最難
寬解慈闈意，兵燹江鄉憶舊鄉。

山中風聽易傳訛，甚事關心喚奈何。仗爾安危名將少，由
他笑罵好官多。愁邊曠野皆荆棘，夢裏春城尙綺羅。容我

蓬廬高枕穩偏聞挨戶急催科

村家卽目

桑榆罨屋綠陰斜世外樓臺四五家何處山桃經雨謝門前
前流過一溪花

贈昌化令程七時鄰邑宣城甯國臨安新城於潛諸

令或被民逐或被民戕惟昌化帖然鄰民並有借寇之請大府以於潛較近檄程七兼知二邑事故有此

作也

東南財賦困輸將十九雷封闕納糧爲問閭閻擾雞犬何如芻牧長牛羊四鄰道路榛蕪塞百里田疇稔稻香祇爲半行庵詩存彙

卷六

九

春陵能獨唱任他下考列彈章

漢室

漢室重熙聖武恢膏年四絕若枯摧風塵涕淚千秋鑑金粉江山入寶臺黔首鷄居茲蘊孽赤眉蠹塌莽生魁遙援蟹戶榕城起爭引蠻猪桂嶺來吳楚舳艫帆影亂淮徐壁壘角聲哀蔓延梁苑箐吹火震動燕畿轂走雷毒霧紛騰流萬里將星參錯傍三台狐疑神算飛符緩狼戾兵精插羽催中輟餽遺羞妾婦綺羅飄曳燿輿儻微私祇自全軀切藎抱何由憑膽開三北旌旗光慘黯二東杼柚勢喧塵黃圖此日誰珍惜青史他年足笑吟裝演麒麟空有楫調

和鼎鼎久無梅沈沈珊海埋才藪赫赫銅山入仕媒足用
通經惟狗曲空談滿紙盡鴻裁十年召亂和戎策四海搜
窮活圍財錢額米綱徒輾轉幕賓廊吏費徘徊終循弊政
流何極盡變徽章挽或回青犢偶然妖應讖紅羊頓若劫
揚灰野人生及逢全盛苦憶先朝宴鍋杯泉熈熈

中秋月夜感賦

去年金陵當此夕墮聚鵲袍秋試客冷飲秦淮幾酒狂笙
歌沸徹東方白今年金陵又一秋蟻賊竄據恣屠搜燬雲
滿城攻不下戰血紅漲江潮流人生幾閱星霜改轉眼關
山一桑海避跡荒陬幸告存重見茅檐月舒彩此月依然

半行庵詩存彙

卷六

三

照九垓清光卻逐妖氛開士女幾家經慘躡樓臺幾處遭
交摧月中八萬四千戶下視曾無乾淨土大地高騰鼙鼓
聲廣寒驚斷霓裳舞最是區區蟻蝨臣傷心建業六朝春
瓊樓玉宇高寒處莫遣蝦蟇暮掩鏡輪

寒塘泣夢圖

紀秦母畢宜人死事也宜人爲澗泉殿撰冢孫婦
癸丑二月賊陷金陵宜人率全家婦女十一人投
東塘水死其子宗武宦遊浙西得免於難繪圖徵

詩

家雞遭變逐野鴛慈烏獨徇全巢覆孤雛瞿瞿慘叫天不

是尋常泣風木爲問孤雛慘若何金陵城中殺氣多朝聞
元戎出擐甲暮聞天兵齊倒戈峩峩石城薄於紙悉索紅
闈辦一死況是先朝命婦身忍見羣娃陷賊恥聯臂爭投
水一泓芳體何容染泥滓桃葉渡莫愁湖膩波浴血紅模
糊祇有東塘之水清且泚會見開出朵朵青芙蓉

九日約游天目不果

猿馴鶴擾莽生愁孤負西風一段秋白屋流亡墟市寂綠
林嘯聚梵宮幽壺觴高會情何極咫尺名山願莫酬猶記
壯游無幾載蠻鄉萬里任窮搜

題沈四山人遺詩

半行庵詩存彙

卷六

五

山人名謹學傭耕於甫里之楓莊治田泥古法坐
廢其業吟嘯自若也卒以貧死

一種田家野趣饒忘飢忍凍任逍遙能安耕鑿貧非病此
是先民擊壤謠

昱嶺關懷夜

目下

四山刁斗激風湍警枕連宵夢不安失律殘兵隨馬謖亂
行羣僕倚揚千岷流鐵鎖沈千尺函谷泥封侍一丸御憶
岳家軍令肅背嵬曾此躍銀鞍

新安賊退喜贈石觀察

景芳

樓身緹幕劍同孤觸處悲涼擊唾壺帶汁羞逢諸葛亮過

江幸見管夷吾西風破壘羣鴉噪落日荒城萬井蕪憑仗
威稜寒賊膽望塵爭迓黑雲都

休甯遇胡

虞護

賦贈

窮交多落落握手劇悽然公子誰門下王孫自道邊狂拚
人欲殺貧到我猶憐慰爾一樽酒終期先著鞭

再贈

自命居何等投時計總差小人猶有母游子已無家幽憤
沈杯酒浮榮閱鏡花何當尋杜曲歸養課桑麻

旅感

階岬碎語著霜稀客子蕭寒未授衣飲露秋蟬徒自潔遠
半行庵詩存彙

卷六

三

枝宵鶻苦無依勢熏要路難啼笑氣短窮途略是非安得
菟裘營就處載書歸老掩雙扉

過於潛盛

鏞

梨塢村居設讌款留座中諸子多有自

軍中歸者縱飲劇談慨成四律

哀懷荒雞動夜闌登堂破笑共盤餐菰蘆人物如星聚桑
梓情懷對月寬壯不如人還撫牌生無知已浪披肝儘拌
伏囅窮經老爲底憂時涕不乾

普天鼓吹十年前陵谷傷心倏變遷歸對妻孥驚若夢出

尋耆舊散如烟烏衣巷冷秋風裏黃鶴磯空夜月邊最是

南朝金粉地銅駝遺恨草芊絲

直北關山勢鬱蟠邊愁驀地入長安蓬萊宮闕星河迴禾
黍郊原鼓角寒海舶差稱輸漕穩天戈猶憶拓疆寬霜天
萬里多驚數慘聽鴻替徹耳酸命采坐令其賦盡詩題
任是新亭對泣時蕭閒衡泌足棲遲曲江盛事談天寶彭
澤清風眷義熙華屋燕尋摧破壘芳園花發燒殘枝填膺
萬緒逢今夕醉裏乾坤付一卮山河一絲中谷與園水

感時述事九首

征鄴

鳴笳吹角來天上撻伐頻年屢易將顛頽意氣互登壇走
馬惟聞四催餉虎毛玉帳酣睡中邊烽騰入中原紅叱咤
半行庵詩存臺卷六

三

風雲聲滿紙披讀露布皆奇功養癰積漸成漏脯臣罪何
堪擢髮數檻車甫見囚建纛旋鳴騶請室復何辱籌筆亦
何憂死者廟食生封侯

防堵

外寇防邊隅內變防環堵兩戒山河一統中各展閫才嚴
守土積年征繕備賊來幾回無風自揚埃一旦兵塵漲郊
藪倉卒登陣旋卻走記自梧野窺衡湘爭扼水隘防荆揚
水防既潰陸防急防豫防冀防徐梁坐令九州盡恒擾賊
梳兵櫛無完疆

徵調

有唐府兵制一改紛紛徵發騷四海兵額濫召募兵差急
征徭縣次續食星程遼部曲不知誰素將暫隸旄麾隨所
向恣跳跟過境蝗潛潰走喪家狗傳驛來逃伍回行間紀
律何喧丞君不見漠北藩侯來助順海東疆戶進觀釁師
行艦步亂沸騰幾處人烟隨劫燼

收復

都城雄踞屹若磐下邑城小如彈丸環攻直搗兩不下濠
塹中結妖巢安間一合圍誇戰克振旅入城無一賊多少
殘區棄不收黔黎髮漸長盈尺君不問兵打城堅如鐵賊
撲城脆如雪一城未復一城亡閫司妾舍多徬徨起視金
半行庵詩存藁

卷六

五

湯日割據狗脚有朕稱天王

圍練

義旗結連村戰鼓震盈野江湖大有誓師者何物搢紳稱
先生手捧詔版心怔營哄堂傳令雜市僧官私兩部蛙亂
鳴問伊軍國知甚事漁獵間閭勢熏熾紛拏烏衆嬉滿城
醉夢萬家在席寄晝徵逐宵游巡灞棘兒戲非其倫迎降
藉口保鄉里更有傾家款敵人

捐輸

紆難捐兵餉免禍捐賊糧借端百法廣恫喝奴輩利財各
肺腸銅山金穴厚封殖焚身當逐灰飛揚算及窮恥挿何

苦稱提估籍恣搜擄刮盡脂膏偏地瘡供養輿僮縱歌舞
軍儲日以竭寇氛日以肆徵求符牒紛如毛捉錢令史摸
金尉分肥買貴方嘈嘈

援納

爛如都尉羊賤如職方狗名器之濫古亦有不圖籌國重
納粟是何腳包盡熏沐一行作吏如行商市道浸淫透朝
局西園價頻減東銓例廣推匡時良策無他爲士林流傳
多謬種書香銅臭一氣隨風吹獨惜華途競巧進繡野先
遭賊殘躡疆臣拜職出天閭露棲無地赴方鎮

保舉

半行庵詩存彙

卷六

五

戡亂知難望時彥詔許冊功亟登薦鼓舞人心草澤中俯
有英奇起寒賤那教口惠虛市恩復敗負緣路一綫志士
同仇瀝肝腑健兒渴賞奮干櫓禮羅義激兩無聞漫說生
才不如古君不見轅門噉脊交蠅營瑣瑣姻婭首竄名告
身百道到赦獲獐頭鼠腦影長纒

賜卹

建崇祠議隆諡俎豆馨香表死事古人殉國何堂堂慷慨
從容辨難易何期計畫無復之婢妾自經亦稱義青燐碧
血幾戰場幸蒙請卹皆國殤沈沈寸丹究何在容或糜骨
騰幽光野史何人親訪察平生此志常莫謬曾見名山書

出時九原姦魄遭誅殺

乙卯仲冬歸自浙西過葉丈

廷珩

齋出示去年病中

摘句懷人詩讀竟意別有觸創用自題原韻

世事方多故民生漸不聊
里中君息影江上我歸燒
出處虛千古悲歡併一宵
祇餘吟興在老去許愁消

高詠昇平日追懷信平儔
春林紛吐豔烟海浩生漚
各抱名山志俄成逝水愁
多君塵劫外特向臺餘搜

趙

宗建

索題東臯老屋圖其地爲瞿忠宣公東臯艸

堂遺址

名山端仗後人持

卽用忠宣公句

易主園亭繫去思
宗社難扶埋

半行庵詩存藁

卷六

吳

浩氣家林有託颯英姿浣溪故閣仍椿蔭
拂水荒莊自柳枝寄語重來華表鶴
舊巢無恙好棲遲

粵徵重提恨不禁
虞山風物故清森
代興門祿渾如昨
轉劫兵戈繼自今
花月甯隨桑海變
乾坤儘許艸廬吟
卜鄰有願借棲遯
一櫂琴川泛夕陰

半行庵詩存彙卷七

湖上感舊

吳縣貝青喬子木

懸情隄柳故依依
彈指歡場舊夢非
吹暝風欺歌舫寂
媚晴花怨酒人稀
星河帳底愁侵枕
鼓角燈前淚染衣
莫是鷗鄉秋信早
烟波如許獨懷歎

半行庵詩存彙 卷七 一

夙願今朝遂
輕身駕笋將市聲
隨路香山趣
入雲翔悅耳
迎樵唱
清心遞梵香
近來詩思澀
多恐負奚囊

一笑禪源寺

昭代崇禪教
祇林此導源
雲跌十方集
風唄六時喧
鈴閣馴調鷓
齋廚擾飯猿
國師傳軼事
成史信堪援

雨歇招提境
重重積翠深
瀑飛千磔雪
雲走半山陰
靜契追蓮社
清談仿竹林
長年此棲息
差足滌煩襟

獅子古院

吳縣貝青喬子木

扶筇尋祖殿
遙指嶺顛開
磴曲盤雲上
林虛納雨來
寒情

僧面粟古色佛身苔僻處無塵擾幽期茗一杯

漫興

十載歸耕約遠心最可嗟家貧憐菜色世亂媿桃花陸海
居非易名山業尙餘謀身無善策輪楫又天涯

姚江道中寄懷故園二三同志

細柳新蒲又一春征途渺渺閱艱辛及身豈料逢今日屈
指何堪數故人
才命竟無天可問生涯偏與世同淪橫流
滄海棲無所孤負羊裘一釣輪

四明感賦

邊釁初階亂追懷此水隈鴛鴦媵天降毒蠱市海揚埃士女
半行庵詩存彙

卷七

二

春情爛歌鐘暮氣催處堂如燕雀飲啄幾低徊

甬江旅次寄懷蘇

士本

浪萍蹤跡聚吟牋客授官齋六載曾捫蝨坐談朝擁絮聞
雞起舞夜吹鐙一編老去羞將仕五獄歸來悔不僧此夕
幽懷誰共語水天孤對月波澄

往歲從兄

塘

構于墨庵儲藏古籍歿後十霜僅存無

幾矣從姪

信三

移度家廟後楹榜曰寶墨志在世守

也感成長句

飢不可粟寒難襦故紙拋棄如殘芻

余前以避亂移家書籍多散失歸談

家乘忽失喜墨林一脈春回枯寶殿居士

從兄自號

昔嗜古雅

抱直欲儕倪迂梵門橋畔窺清閫一龕怪發光奪矚是時
海宇正清宴士夫多暇工編摹擲盡青蚨化魚粉舉俗大
笑詵癡符大謝西堂旋凋索小阮南道重追逋姑存十一
甯足歎抱此殘缺猶堪儒吾宗豈無讀書種槐忙杏闈誇
家駒繫余少亦攻帖括投老牛馬疲飢驅追懷失計恨靡
極萬事迸入颯輪徂東南自古盛文史到處兵燹悲淪蕪
羸秦餘焰此再劫一篝火起鳴妖狐藺臺石室尙遭燬謂揚
州金山御而況長物徒區區癡叔潦倒望來裔鯁論奚
藏四庫全書御敢流荒誕兀守青瑣倘倖免焚身略勝多財愚不見甬東
天一閣書城鉅觀海內無鯨濤鰲浪攫不去此中倘有神
半行庵詩存彙 卷七 三

明扶

今春游甯波得觀范氏度藏之富書城鉅觀海內一家係純皇御賜楹帖也往歲映夷陷城閣獨無恙

或者清河書畫舫

貝姓郡名清河故借用之長留天地光門櫺作歌

至此百端集城角助我聲烏烏

葉文 廷昭 甄錄近人詩謬賞余作搜輯成編蓋其婦

翁陳雲伯先生提唱吟壇夙推祭酒丈固綽有外家

風範也感謝呈詩

瑤清仙侶證同修冰玉雙輝藻采流梁苑賦才寶宮散蕭

樓選政壻鄉留錦囊投廁憑誰拾鐵匣藏閨怕鬼讐我坐

苦吟遭詬病何期宗匠襪材收

歸家作

昔歸權滿室今歸影淒淒寒帷宛言笑神定茫若迷百年
誓比翼風吹倏中睽窮悴損年命百悔叢空閨往者誤兵
警僭泛西溪西比及暹家難毀室無完棲同根不相庇庭
戶生蒺藜堂有七十姑穉女甫及笄我夙走塵轍內顧鮮
愁懷行復出門去俯仰誰扶攜禦寒思故服終寔思良妻
糟糠共作苦渺矣難重稽

盧忠肅公燬玉雙印歌錢文

綺索賦

斗大黃金懸在肘炊時煊赫知誰某名賢私印手澤留烽
燹摧殘猶不朽吳市有穀人莫知錢翁鈎索乃得之拓傳
一紙誇示我云出勝朝盧督師中有血誠一腔熱天地自
半行庵詩存臺

卷七

四

與相扶持公夙心傾岳武穆身後還教媼遺躅金陀故實
遜寸銅舉網湖濬出魚腹神物顯晦各有時我初見之淚
盈掬有明未造兵氣揚太阿倒持何披猖公才自足了疆
事扼以樞輔兼大璫樞議主款督主戰長安舌鋒誠莫當
奪情四疏天不鑿墨纒從事徒傍徨追琢其章藉攄憤虹
氣勃發丹篆光想當軍書手鈐押見者銜刺讒高張堂堂
授命遭誣陷早因蓋激招奇殃終教磨涅顯堅白兩月歸
斂輿尸香何似樞臣好頭頸三錢懸購羞封疆思陵覆轍
足殷鑒摩挲抄此印增憂悼崑岡一炬鬼神泣鼎移璽改同
淪亡劫灰彈指二百載英靈載與蟠穹蒼邊囂內訌代相

踵疇爲呼起扶頽綱我輩撫時感允切眞贗何容騰異說
銀盃鞋帶鎔無存珍此千秋企馨烈况翁勸學工追摹佩
之當作龍威符請編南廕紀聞錄補入西清古鑿圖

從姪

信三

屢黜禮部試歸隱桐橋家祠索詩賦贈

名僧退院宦歸田共此逍遙物外天末路最難尋蔗境先
疇卻好守松阡東京錄夢皆陳跡北郭聯吟幾散仙獨惜
衰宗誰振起長安冷落看花鞭

蝗

火雪蒸出簸鍾飛莽將無靈漫禱祈千里農郊彌望赤三

吳澤國此災希蟲沙劫化哀兵亂魚蟹萌生警吏肥轉冀
半行庵詩存彙

卷七

五

奇寒回厄運埽除冬蝟雪霏霏

捕鱈行

美蘇州薛刺史

煥

捕斬潮州游匪也同巖犬

承威

作

驅鱈韓昌黎擒鱈陳文惠潮陽迭賴鉅公衛獨不見鱈據

惡溪威以治鱈游吳市乃參之云何市中有鱈爰自義旗

高舉召此醜類來騰嬉尾掉狂風狂髻揚毒霧毒毒蠢爾鱈

今雄長裸蟲三百六血人於牙脆如肉堂堂坐者羣愕眙

相戒獰响勿批觸倖哉河東新刺史下車巡視髮怒指潛

謁大府傳兵符材技吏民密驅使中秋月黑鬼夜號恢恢

天網張神霄雷轟電掣一打盡海水翻沸星辰搖釜底游
魂四道竄纍纍鯨鯢築京觀頻年淫毒逮婦嬰一旦腥臊
洗閭閻嗚呼吳中藪澤蟲蛇家罔獨幸遇民之爹何爲賴
尾猶興嗟酷如歐淵獺貪如蝕月蟊一一寸磔庶幾風物
重清嘉

邀青閣夜

花霧暝初收風簾卷一鉤繁聲秋在樹涼影月當樓塵夢
迷隍鹿烟情狎渚鷗留人此延佇叢桂小山幽

銅雀臺和韻

淖水悠悠送夕曛西陵誰弔漢將軍永安宮裏傳遺詔天
半行庵詩存藁

卷七

六

下英雄祇使君

過簡園贈從姪

信三

倦旅天涯各繫匏家園重聚首頻搔半酣斫地羞長劍一
第登天負彩毫鏡裏塵容欺故態淚邊春色競兒曹料量
娛老無餘願痛飲醇醪快讀騷

旅感

癸丑年作偶檢故紙補錄之

顛顛江湖歎敝裘況堪將母共依投全家浪擲成孤注此
客虛懸本贅疣傭值無多金減價賣文爲活筆蒙羞屏除
百感聊相慰骨肉他鄉聚一樓

與陸廷英夜話

野振驚風峽走湍聽君哀緒訴千端側身天地真無奈縱
酒江湖強自寬夢斷妻孥雙杼冷君妻吳子問
生殉難海陽病添風雨
一燈酸生還比似王摩詰百日佯瘖淚欲乾

自嘲

臨戎習慣枕戈安河上逍遙壁上觀雙劍重磨慚短褐一
錢不值誤儒冠微功等輩爭投筆齎志平生付蓋棺拋卻
少游鄉里樂幾曾嬰鏃據征鞍

過宛陵景梅亭口占

羈懷輸寫到魚蟲遮莫寒吟苦未工遺稿得邀歐九敘何
妨沒齒坐詩窮

半行庵詩存彙

卷七

七

朱九妹楚北才女被擄金陵賊酋將汚之媚以毒酒
謀洩遇害

鬚眉幾輩媿青史匍匐泥中欠一死雌虹墮地雷靈鳴乃
有湖湘小女子鴆賊進持酒一觴憤拌弱質婉清揚歐刀
不惜遭寸磔肉糜骨粉皆奇香吁嗟落溷花化作碎階玉
荊州曼仙同一哭事見吳梅村
綏定紀略澧蘭沅芷賦招魂合譜神

絃薦芳醪

贈天津劉星台

合盡時宜總未宜憐君躑躅路中歧枉教齏粥關憂樂直
負蕤莢到亂離傀儡有場還可舞膏盲難藥況無醫等閒

老作塵中客袖手長安看弈碁

吳山酒肆贈揚州夏

開元

下吏苦羈束山樓時一臨醉中無廢事亂後愈工吟杯影
吸江滌燈光搖嶺陰相逢互傾吐涼漏夜沈沈

遣悶

林禽啼徹語絲蠻欹枕無聊靜掩關去我堂堂閒歲月笑
人寂寂好湖山廢詩那便聰明減斷酒偏教意氣刪等是
傷春花事歇羈縲幽悵結如環

晚酌

蕭齋薄飲夕涼天幽緒如塵墮酒邊遲暮津梁雙轂做亂
半行庵詩存藁

卷七

八

離兒女一燈圓折除庸福耽高詠排遣情空悟老禪莫是
婆娑生意盡手栽庭柳久吹棉

借葉丈訪覺阿上人通濟庵

道暑懷蓮社秋來始放船露花明曉嶼風藻漾晴川談藪
資三笑吟材貯一編閉關如頌酒我亦愛逃禪

從姪

信三

自以暮年鰥獨戚戚爲身後計備及含斂

諸物感觸余懷愀然有作

山齋集卷之七

人生報施端孰由間真宰古稱不孝三伯道究何罪祀從
名永垂天心正嘉乃爾我強相慰負薪猶子在義當耐從
祖宗法訓宜採今制或兩桃爭府每因賄恐成非類欲轉

貽九原悔穰落丈夫心豹皮務留彩初志勉一生垂暮希
千載蹉跎及今茲萬事誤期待廟食既未能甯甘苦教餒

秋郊卽事

避地無貴辨艸屢隴耕村收暫爲緣怪傳雷斧摧銀杏怕
聽風潮損木棉廢寺生烟棲雁戶荒津添稅到漁船田園
猶是清時樂潑眼秋光自鬪妍

偶感

身事蒼涼緒百端嘲風弄月且謀歡熱腸未覺人情薄冷
眼遠看世態難軒鶴冠猴各矜寵釜魚幙燕自偷安逢場
莫怪儒爲戲倡丐同流況帶酸

半行庵詩存藁

卷七

九

過友人村居

野色入秋澄村居樂事增茶香焙午竈棉熟紡宵燈評帖
留書估修琴訪衲僧打門防有吏敗興倘催徵

旅泊

遙渚下羣雁橫江霜滿天旅愁潮共長歸夢月難圓野爨
依荒鏗鄉音敘隔船臥聞漁版響逆興五湖邊

贈盛 鏞

避俗非充隱潛居氣鬱蟠千秋放眼闊萬事及身難世路
詩書賤人情骨肉寒閑閑桑十畝俯仰抑何寬

和人詠馬

千里何曾試一騰坐糜棧豆日三升假威不少皮蒙虎附
勢偏多尾集蠅埋到做帷恩特厚市來朽骨價偏增如何
廢吏方凋悵猶自懸圖冀野徵

宣城書感

登壇幸值敵鋒衰高臥穹廬擁節麾一騎紅塵頰奏凱四
郊白骨幾交綏襄陽日醉山公將鄴下誰收晉鄙師知否
樓船下吳會上游風利正東馳

感事三絕

錢神自古貴堪矜犢鼻相如借力曾問價不須西邸去市
中都有辨銅丞

牛行庵詩存彙

卷七

十

竭澤漁誰積尾憐緝錢算到野塘邊苦無德壽宮旗號抽
稅何由免糞船

自印渚埠放舟至桐江

百里潛陽路晴墟斂風霏犬銜山響吠鳧曳水痕飛津鼓
晨漁集村燈晚市稀取程皆舊識情款故依依

謁桐君祠

勞人見山喜名跡沉桐君笙鶴杳難接鐘魚清可聞蘿門
三島月藥養一壺雲願注丹臺錄何時謝世氛

園雪

門逕雪厚封人跡斷來往何處野梅香踏凍負清賞飢鶴

鏡池魚時聞啄水響

元旦口號

辛盤香逗酒懷清客裏衣冠簡送迎最喜沿門春帖子紅箋一色寫昇平

祝取東風掃戰塵四郊菜色盡回春野臣此願何由遂首

憶朝中第一人

新正四日買舟抵赤山埠游理安寺尋烟霞洞歸訪

虎跑泉諸勝同蘇

士本孫思辰作

初春山放委明湖動游躡冷賞獨避囂棹泛九溪曲清籟引入勝幾折穿巖腹倚橋架竹欄輦閣峙松谷叢灌森冬

半行庵詩存彙

卷七

十一

榮厚蔭四周綠賜名寵閣黎南宋此祈福我朝盛時巡迎鑾綉重築空王墮寂場千載入遐矚伊余闕迭川垂髫舊情觸塵擾四十霜重來暫警俗滿壑梅作花吹香媚幽獨奇勝不易窮足憊興猶鼓步辭伏虎巖言尋石屋古削黛拔千尋篆路嫻如縷拾級梯層雲晴空一臺俯其後洞呀開撲入寒氣吐懸溜鳴淙淙幽竇滴腥乳進窺天構工兼炬采其阻頰怪佞佛徒圓相侈推斧輪與吾溪湄中興頌靈武疇爲一鏡平椽筆磨崖補留誓謝山靈堵笻下烟塢龍井閉榛蕪廢墟訪無跡路轉大慈山虎跑叩泉脈開宗湖靈境云是雙瓜闌珍怪比中冷汲自潛蛟宅僧維進一

甌習習風生腋笑指萬年藤默晤三生石坡仙一觴詠屐
倒幾詞伯潞佛遺國香鬻家寶如璧明潞藩畫蘭石刻向
聞在吾蘇虎邱寺今
亦見於此我儕無墨緣疥壁句誰摘坐淹苦暑短歸戀悵形役
迴聽南屏鐘鱗鱗晚霞赤卷之六詩以藏眼

集居閣懷古

孤山一高隱遺跡有叢祠鶴去不重返梅開仍故姿辭榮
終賜粟求晦轉傳詩莫歎時非古清操自可師

明潞王畫蘭石刻歌

茅壤失故封蘇石守殘衲六嶺留鑄王者香墨帶滄桑泪
同揭天狗磨牙食龍子福藩栢酒周藩水抱琴南竄穆廟

半行庵詩存臺

孫哀怨深情託蘭茁玉葉金枝幸未鋤春燈影裏空扶疎
梅嶺忠魂抱遺憾植根一誤南都墟降旛夜樹鏦江路北
望關山去何處留得黍油麥秀叢中有前朝舊雨露君不
見宗臣楚靈均猗與紉佩揚幽芬又不見王孫趙子固編
成畫譜寄遐懷密葉離披花雨三貞珉摹刻重禰龕畫蘭
無土留深恨更有遺民鄭所南

贈江少尉

混

皆有梧蒼之役卽以誌別

著書最足寄懷寬無那青瑣不耐寒一樣途窮行脚債萬
分才短折腰官欲迴天地聊清議痛惜山河且靜觀祗有
身謀難自盡倚閭人正待加餐

小舟錢江曉發
夜濤拍舵潮初長拂曉輕帆吹五兩遙山兩岸青嶙峋船
窗搖曳齊菰蔣大好江程鏡裏行旣時時聽畫眉聲卻嫌
刁斗無膠賴偏向烟波勝處鳴
巖陵

白水真人業高風孰並論雲臺今已矣祇有釣臺存

感題菱白船

何處琵琶水上鳴陣雲濃遏按歌聲浮家買笑同年妹營
妓權教當愛卿

睦州

半行庵詩存裏

卷七

七

漸江中峻隘收盡勢縱橫衆水歸雙汊層巒絡一城風腥
魚上市雲暖鳥呼耕爲底揚兵者方多艸木驚

蘭谿夜泊

擊棹中流志星程劇惘然江烟低掩月津火遠迎船戍卒
呼羣飲勞人帶警眠縱談容我輩敢枕策平邊

金華

帆影隨飛鳥風吹落婺州驛燈延暝色城角動邊愁歌舫
新姬水詩壇古沈樓漫搆雙蠟展名跡負探求

縉雲縣

小邑仙都麓春深萬翠交輿行入巖罅磴接落城均樵市

喧晴渡郵炊具野庖憇勞閒覓旬風籟助推敲

卻金館在桃花隘半嶺明温州太守何公文淵遺跡

爾也按公與況鍾同時膺薦出守其德政必有卓卓者
區區卻金僅小廉耳好名者能爲之然而其風杳矣
於是乎詩

卻金有館蒼山陲巨碑屹立堂西楣車驅過之捫辭讀云
是真二千石之所遺當年解任經此處士民追送贖爭
受之亦非四知金公也掉頭去不顧我思鬱林載一石會
稽取一錢去官如此真能賢在甌治績未深考郡人當亦
稱青天迄今行路企高躅我更因之慨世局席捲地皮橐
半行庵詩存橐

卷七

古

載歸過此能無撻市辱

枯蒼道中

晨發丹楓驛閒愁載一鞭巢雲攢小店梯壁疊高田自古
稱戎藪方今仗閭權依然形勝在聞越辨蒼烟

萬象山謁秦少游祠登烟雨樓

春陰臺榭冷於秋濺淚鶯花泥客留猶是鴛湖好煙水莫
遑淮海舊風流簾波涵影排千嶂鐘唄吹香聚一樓俯睇
滿城鶯鶴唳樵歌漁唱獨無愁

南明山

夜談栝山奇晨起勇探勝喚渡河浦湄循椒升絕磴杉檜

森晝陰風吹塵夢醒梯蹬躡樵跡履滑級苔瑩層厓接瀑
流三湫蓄無罄度徇阻危梁僧扉上旁徑倒瞰勢蜿蜒臥
波一虹互更上巖崩敬縫裂隙如甑菌閣竦其巔憑攬嵐
靄暝選石憩吟筇敲雲戛梵磬烟鬢競流媚山靈若持贈
我歷幾名區戎務敗幽興眷此一响緣哦詩呈佛聽

麗水留別華生

文瀾

環郡林巒攪寇氛臨歧執手話辛勤頻年浪跡欣重聚幾
日清游惜易分礪戶蕈香收溼雨畚田薯熟擔晴雲此鄉
信美難留戀速我迴車叱夕曛

出巖泉門作

半行庵詩存彙

卷七

五

狼烽紅漲亂雲堆三宿刀環夢遽催莫笑佐戎虛幕職此
行原爲看山來

歸經桃花隘

山勢兀崢嶸雨陣莽飛渡陽精掩無光匝地騰妖霧聞戎
我啟途悽情滿烟樹豈必爲民望瀕行屢迴顧鄰火燔及
家杯水方救護況復焦爛中趨行必矩步環傑苦拘鑿笮
材巧生蟲疆事日以曠坐盡恬熙誤嗟此天設險中吭扼
甌瓚撫循久無術征繕曷由豫萬夫關莫開亦藉一夫禦
衆志不成城劍閣空自固

永康道中寄懷覺阿上人

連宵旅枕夢烟蘿
泛跡其如斷梗何
管領梅花閉關坐出
家人反在家多

題贈昌化方登俊村居

圍樓謝塵役日涉趣何長
唵榻驅今古耕犁課雨腸
宵機鳴軋軋鄰塾誦琅琅
樂土能餘幾連邨社酒香

西泠旅館消暑

梓葉陰濃屋四陲
冷然清吹動琴棋
邊暝色簾雙押觴
處涼情月半規
獵食癡蠅知冷暖
戀巢飢燕聞興衰
北窗一枕羲皇夢未許
趨塵穢穢窺

有憶

半行庵詩存彙

卷七

七

爲誰風露立庭陰
牛女迢迢隔歲心
緘恨惟催書密寄
墜歡念禁夢重尋
佯移燈去喚宵讀
笑折花來索曉吟
此夕拋離香霧杳
撩人腸斷是鄰砧

重過蘭谿

拂曉菰蒲露未晞
卸帆激水景全非
市樓闌寂收帘去
歌舫飄零失岸依
警夜石壕殘吏擾
防秋玉塞鬪兵稀
祇餘一掬征夫淚
洒入城烟幾縷飛

自龍游抵靈山作

避兵如避寇間道
戒行裝百里新焦土
三農舊滌場隴耕
重播穀溪渡始通航
爲值扶創叟歛歔
話夕陽

赤津嶺

日落無人境，停鞭借一椽。
灘明流月碎，峰黑裹松圓。
悽絕猿聲裏，涼生虎氣邊。
殘黎家蕩盡，何處哭蒼烟。

初至遂昌宿靜修寺

策蹇投荒寺，蕭蕭古堞邊。
風淒猶警鶴，山冷自啼鶻。
殘泣空邨月，農鋤破壘煙。
千生歸一劫，鉛淚寫金仙。

示程生

漢代稱循吏，常垂弭亂勳。
今須善爲宰，古自薄能軍。
野曩寒棲雨，山烽煖燕雲。
撫綏無異術，銷甲事春耕。

殘解

半行庵詩存彙

卷七

七

殘解如枯剝，誅茅一榻橫。
窺人飢鼠立，疑鬼病鴟鳴。
野曠招徠急，庭蕪積訟清。
此時持事至，每爲泪沾纓。

雜詠

燭天烽起亂山址，生劫丁男半兵死。
初聞碎膽莫敢前，息燧三朝遽來此。
焚林啞啞號歸鴉，彌望井里無完家。
騎卒成羣拾餘燼，寇退始聽軍鼓颺。

炎腥墟落暑不收，怕有時疫行新秋。
蛟雨連晨發山漲，盡洗戰血歸溪流。
幾家殘骨逕蒿掩，尸蟲出牆無人斂。
夜深黑樾窺野狸，一星寒吐青燐燄。

樵牛醜酒歌烏鳥，轅門大饗三日醮。
拾橡空巖艱一飽，創

殘野葶拋烟蕪存者偷生亦良苦愕見官軍匿無所沈沈
輜重凱唱歸夜捉擔夫到村鳴

蚱蜢橫撲禾稈枯溝瘠留喘誰來蘇縣官目擊議開振諸
使方下秋徵符道逢老翁吞聲哭幸存一孫插標鬻無限
嬌啼訣別情換得餘生幾朝卿

一絲人氣迴荒城臥聽三月無雞鳴朝看衰稚集茅舍中
有生還歡笑聲悲動鄰孀獨閨處牀頭呱泣天難曙連宵
惡夢苦猜疑紙旛忍便招魂去

粵事紀聞

舉世千金善保軀阿奴下策獨成愚捉將官去羞千古戴

半行庵詩存藁

卷七

六

得頭來憤一夫羣鬼陰謀原鵲突相公大事太胡塗臨邊
旌燾悠揚色媿此蒼頭特起孤

景先生詩

先生名采臣餘姚人官遂昌教諭咸豐八年三月

二十日寇將至同官有邀與偕去者先生曰汝無

誤我問其室人皆曰誓相從不忍捨也翌日寇至

將毀聖廟先生挺身怒叱頸傷未殊猶罵聲不

絕賊忿將頭砍落妻趙氏女守姑有子甫生十四

朝均隨殉焉越三月程生

洪攝宰是邑詳請祠祀

如制

瓜蔓抄殘辨血誠裔孫重見一家傾心堅早矢尸臣志頭
斷還聞罵賊聲萬古升堂纓共結一時徇路鐸孤鳴明璫
翠羽兼文襖併入神絃鼓曲迎

旅感

霜鴻度天末客子滯山城地僻艱醫藥兵荒儉食羹詩珍
良友贈衣檢故妻情觸緒紛如許風林葉亂鳴

野望

橘柚林烟抱郭浮仙霞支麓古松州猩嗥鬼嘯千峰暝井
斷垣頽一邑秋閫帥不逢窮塞主縣官誰拜富民俟劇憐
連夜蕭蕭雨祇洗山光不洗愁

半行庵詩存藁

卷七

九

吳山富樓寫望

朔吹無端警睡鴉曉樓清景豁簷牙湖陰凍解雲雙塔城
旭晴烘雪萬家溫體人思傾竹葉冰心天自鍊梅花祇憐
兵氣銷難盡銀海光中咽塞笳

題管

蘭滋

何山展墓圖

吳俗盛壇祭春遊差有名全家攜酒榼畫舫出江城蓬顛
君雙淚萍蹤我半生何時守邱隴麥飯作清明

題管

蘭滋

止泊齋詩鈔

范東生後誇蒼產重見金閭寄一家帶得吳興清遠趣二
生詩思屬蘋花

一回闊別一成集每到重逢每互商亂世歌詞能曠淡杜
陵畢竟讓柴桑

吳縣貝吉齋子木

蘇城之變子方佐友宛陵聞警馳驅徧地賊氛實不
知家在何所也訪尋三日始遇於太湖長沙山中事
出非空誌幸成詩

一室病莫與莫臥方滿地門外刀戟業游子乘此正萬家
難離故鄉憂備備遂互建長劫苦勞體亦五淚扶杖
車一知此
一室病莫與莫臥方滿地門外刀戟業游子乘此正萬家
難離故鄉憂備備遂互建長劫苦勞體亦五淚扶杖
車一知此
一室病莫與莫臥方滿地門外刀戟業游子乘此正萬家
難離故鄉憂備備遂互建長劫苦勞體亦五淚扶杖
車一知此

半行庵詩存彙

卷七

二

一室病莫與莫臥方滿地門外刀戟業游子乘此正萬家
難離故鄉憂備備遂互建長劫苦勞體亦五淚扶杖
車一知此
一室病莫與莫臥方滿地門外刀戟業游子乘此正萬家
難離故鄉憂備備遂互建長劫苦勞體亦五淚扶杖
車一知此

題名 蘭山展墓圖

吳俗盛瑤繁春遊差有各全家攜酒據重助車五城連
君雙淚華蹤我牛生何時守邱隴麥飯作清明

題名 蘭山 止泊齋詩鈔

一室病莫與莫臥方滿地門外刀戟業游子乘此正萬家
難離故鄉憂備備遂互建長劫苦勞體亦五淚扶杖
車一知此
一室病莫與莫臥方滿地門外刀戟業游子乘此正萬家
難離故鄉憂備備遂互建長劫苦勞體亦五淚扶杖
車一知此

吳縣貝青喬子木

蘇城之變予方佐戎宛陵聞警馳歸徧地賊氛實不知家在何所也訪尋三日始遇於太湖長沙山中事出非望誌幸成詩

一室病莫興藁臥方滿地門外刀戟叢游子尋蹤至萬家
慘離散飄聚偶然遂互述兵劫苦旁聽亦垂淚扶挈共親
串一舸此奔避衣裝剽掠餘血漬猶在袂枕藉煬突旁皮
肉困宵蚋不早竊負逃兒罪將焉諉見兒幸生還阿母翻
解慰因思在遠愁千里充賊騎長驅入武林勢疾若鷹鷲
半行庵詩存稟

卷八

一

既退皆荒墟虺蝮恣吞噬阿母指空齧道梗阻歸待及此
一抑搔在險亦神庇南濠吾祖居迴望徒隕涕前臘家祭
畢別母御征轡瀕行頗不祥含悽出里第孰知從此辭永
作燹場棄追懷舊吳俗軍興益奢麗上游踞餓虎耽耽日
相伺大帥擁甲眠勝算相深閉環寇十萬師坐待長圍斃
球焚用脂膏反風吹愈熾竄卒紛倒戈叛臣旋易幟所恃
一將星陡向朱方墜狂鋒猛拉朽何無一屏蔽毘陵扼要
衝累年矜繕備捧頭率先逃誰實隳疆事顧念田賦區京
漕資給糈竊恐國本虛妖裊纏幽冀貪狼森吐芒威弧須
正位燹惑入斗躔天闕示星異野臣昧象緯杞憂倍竦企

卻聞草澤中白帕爭起誓養士二百年崑崙獨明義我抱
將母懷且抑同仇志明當重播遷虜地殊危惴是夜燔瀆
川紅雲半湖噓

移家洞庭東山白沙村感賦

狂飈東逼海塵揚牛角山河暮氣涼毀室鴉隨零雨集乘
軒鶴帶遠雲翔采芝何處深堪隱負米遑愁險備嘗獨怪
南州友劫裏吳宮花草尙餘香

贈鷺湖魚隱徐委琴

塵腥匝地陸沈苦四顧何來乾淨土泛宅烟波作釣徒身
世蒼茫付柔艣起聽沸湍獺毆響頰尾何堪再張網君自
半行庵詩存彙

卷八

二

臨淵不羨魚忘機馴習鷗三兩獨我逋流無地投相逢且
醉酒家樓須知一葉滄洲趣猶是王尼車上愁

湯果卿司馬

成烈

連日設飲卽席感賦

何物愁城可解圍祇除痛飲願俱違沈酣旅館消殘暑悵
望家林騰落暉犴役莫敖荒谷縊潰師高克大河歸十年
兵事談盈紙贏得樽前淚共揮

千秋關贈程七

鍾英

林德輝

飢驅無奈險重臨欽佩非關厚贈金訝我輕離慈母膝對
君深媿古人心風清間道留灰劫日落雄關鎖凍陰明發
恩恩整歸騎倚閭應已淚盈襟

宣州道中

百種懷情落一鞭，忍寒驅走戰塵邊。
艱難旅食晡方粥，瑟縮征衣臘未棉。
孤騎怯途嘶日瘦，萬鴉盤陣捲雲圓。
連宵投宿虛無主，喜見前村有爨煙。

庚申除夜

震屋濤聲耿不眠，全家浮寄具區偏。
田園夢斷兵塵裏，梅柳春生客淚邊。
艱阻闕山雙屨破，凋殘骨肉一燈圓。
粗營脯酒持相壽，恰喜衰慈病乍痊。

天風

天風獵獵吹塵襟，無計入山深。
復深轉敗營，生謝皋羽輪半行庵詩存彙

卷八

三

貴得爵倪雲林，同流畢竟異涇渭。
矯立自然空古今，海鶴一聲引遐矚。
羈棲澤畔聊行吟。

浮白歌贈錢

樹恩

荆卿市上歌灌夫，座中罵眼底。
酒徒君其亞，晦跡村夫子。託命麴秀才，細酌廿九日。
狂傾三百盃，天荆地棘苦羈跼。不飲何由逃，世枯學仙學佛隨。
有無中聖中賢，辨清濁何如左右縱拍浮。
滄淮爛浸臣乾谷，問君殷憂祇在野。
終朝兀兀奚爲者，大人先生游醉鄉。
用勺小兒攔笑供千場，自言犀首正無事。一任羣輩呼渴羌，不然衆人皆醉我獨醒。懷沙萬古悲沈湘。

杭城遇蘇士本

旅食雙弓米征塵百結衣重逢多難後互認故顏非野曠
豺爭噬天寒鶴倦飛今宵共清酌簪月亦依依

湖上口號

白公隄畔一筇孤料峭東風拂綠蕪兒女青紅零落盡春
禽依舊喚提壺

參差臺榭鎖荒烟舊夢微茫步履邊最是孤山春寂寂梅
花多半殉逋仙

先朝行殿麗春霞玉簡珍藏護碧紗牆缺忽驚蒼鼠竄雕
簷吹落古藤花

半行庵詩存藁

卷八

四

緇林彌望草芊眠幾輩紅兜散若烟記取年時香市盛殘
陽無語泣金仙

賸粉殘金盡繫思小桃花下立多時風前忘卻家山破獨
對明湖感鬢絲

用韻再贈蘇士本

肝膽雙塵劍乾坤一布衣艱虞真性出撓薄古心非黠鼠
飢逾竄蒼鷹飽自飛栖栖吾道在莫歎失因依

同人分擬杜諸將詩一首

橫海雄屯背水營羣傾驅鱗舊威聲行看白馬招降易坐
待紅羊過劫平靡敵金戈紛欲眩盟蠻銅鼓靜無驚順昌

自有中興將任爾鞞尖浪耀城

西泠秋日從孫

晉恩

招飲寓齋同從姪

信三作

礮雲飛燄捲金閨吹散吾宗各一鄉何幸授餐逢杜濟轉
思收骨屬韓湘談深家國惟揮淚愁滿乾坤漫舉觴終望
桑榆收晚景青春作伴放歸航

圍城雜詠

傳烽入境謀猶遙迎擊無人截路邀坐使咸陽三月火漲
天紅燄一城搖

雄師留待策奇勳犄角分屯鳳嶺雲未及交綏先卻走山
公愛將不能軍

半行庵詩存藁

卷八

五

磨至黃巾氣日雄蚰蜒築塹互江東十門堅閉徐壽議幸
只遙圍不近攻

主纛高擎佇獻俘漫驅部卒出闐闔三軍耳目無旗鼓使
鶴猶譏況合烏

莫是瑯琊取稻還菜傭成隊唱刀鏗

連日出隊惟刈菜而返

置身兒

戲干戈際哀煞江南庾子山

蚍蜉外援合如林晉鄙原無掇趙心不死神椎死神礮前
軍漫惜將星沈

孩心坐鎮仗人和慘澹旌麾自雅歌共說中丞誠一片扶
乜擲箋吉詞多

坐鬻行齋場市捐危居虜腹更騷然苦無德壽宮旗號抽
稅何由免糞船

毀家紓難幾人曾欲破慳囊總未能窖鏹穴金收匿去市
中閒煞辨銅丞

萬金懸賞檄頻催應募誰將甬道開咫尺錢江難轉運空
期鄰糴汎舟來

靜日風吹萬竈清守陴鈴櫜漸無聲爲搜窖粟充軍食肚
餒探囊開一城

白金六兩米三升市價空懸糴未能祇有故家林蔭富榆
根桑土剝層層

半行庵詩存彙

卷八

六

異樣屠門饜老饕帝犯人彘等腥臊可憐嘗盡溝中瘠醉
漢何來味似糟

痛殺城居室是將須知避亂只宜鄉縱教黍地無人種鹿
藿晷苾尙可糧

壓城兵氣抹斜曛虛堞淒清入夜分漫說神燈來暗衛鬼
燐幾簇走冤雲

吸雪餐風兩月淹幾家留喘望重慊傷心飢死還兵死誰
把生靈竟聚殲

馬脯謠

華元勉析骸耿恭困煮弩振起羸師拒強虜古人已事復

見今馬作軍糧球飢苦一馬給一營百馬徧一城兼味併
及走狗烹羣呼火伴恣大嚼轅門暫停枋叫聲褐夫旁睨
思染指菜鬻那許分杯羹君不聞殺妾饗軍臧氏子睢陽
張督尤得士愛妾換馬今空羣軍士何知不效死食良
昔防棘喉今蜜漿免呼荷荷爭與糠初搏作餅尙可飽旋
且薄歎充糜湯豪門賦斧腥礎地會共紅麩餉雞彘今朝
購歸餽一家差幸肥腸膏米氣窶室絕粒尤難爲珍及穀
膜乘夜炊隔牆望見突煙起眼熱猶有鄰兒窺

德甚

半行庵詩存彙

卷八

七

量沙添竈法全刪德甚重圍坐食間民氣已隨炊玉絕天
心況復雨金慳醉人稱瑞酒泉郡是日城中惟酒尙有沽處餒鬼求飲

飯艱山幻想養生傳異術普分仙餌起沈痾

且盡餓殍行

酣呶閭政神扶持烽警薄郭仍臥治坐冷狂寇斷糧道公
私求食皆餒而萬方羅掘窮週遭飛走潛蟄無倖逃苦恨

冬植未萌甲枯蓼癘葉難登庖富兒祿盡死閨幄貧兒凍

仆死坊曲藁葬不及邊論棺葦席蒲囊罄家蓄慘悽鬼氣

街百條餓鴉下伺風蕭蕭登俾起望敵糧時飽嬉餘粒隨

警地

飢臥至哺傭姬乞鄰得二物相餉噉畢成詩

辟穀無方一室嗟可分艸具出鄰家蕉根爛煮多筋藕萍
子濃熬散粒麻食比采薇風自古報宜懷因願猶賒傷心
菽水連朝絕視噎何由勸少加

十一月二十七日夜起書憤

銅山當殉財首陽自守志餓死亦有名今我抱何義杭州
鮮廩儲就食殊非計疆臣負夙望聊受一塵底何期禦寇
略惟知城一閉仰屋呼有天乘堙出無地悽寒萬瓦霜炊
斷縷煙鬢夜半起沈思痛絕併無涕將牢不出戰繭蛾坐
自斃幸賊不來攻貪天且竊冀無如豢狗肥骨盡遭反噬
半行庵詩存臺

卷八

八

負國與殃民同一誤疆事苟非張許流無甯城早棄已矣
復何言殘喘邊作氣區區殺賊心厲鬼吾其誓

新市遇從系

文龍

留飯

黃塵蔽天地征路晝昏昏驚定家何在創餘骨僅存卑微
艱得死患難易爲恩此際高堂上憑誰進一餐

辛酉除夜

殘燈憤燄元相煎慘境何期度此年爲覓破巢烏重哺先
拌入穴虎同眠伴瘖聊學王摩詰遠蹈甯忘魯仲連折盡
苦兒心一寸儘人唾罵敢求憐

過杭城舊寓

被驅忍便殉萊衣艸際留暉尙竊希陟此久教心膽碎望
衡返若夢魂飛係纍往跡思逾痛負罪餘生死亦非慘絕
鄰居皆蕩盡更無翁媪問依稀一賦

指芥寸心

賦

一自謠興的脰烏寸心小艸困難蘇冰霜有路塵蹤滿天
地無情淚眼枯陳龍甯知王氏臘彊華性奉漢家符江湖
可俟澄清日奈此銜冤一窶孤險

里贈潘

性初

潘

險熾世路慣輕投蕩盡家鄉跡愈浮萬死亡魂驚會面一
生落魄話從頭舊交多半遮方鞠新恨頗番撫蒯緱等是
半行庵詩存藁

卷八

九

吹篴吳市客家讐輸與古人酬賦

寄酬劉

禮延

枉贈之作

里聞交情四十春忽承念舊遠垂詢及身豈料逢今日寄
語何由慰故人病起憤懷徒看劍劫餘歡夢亦霑巾茫茫
後顧家何在還約昇平近結鄰賦

自嘉興道中

賦

託盜餘生破壘邊積骸成莽陣雲連閱躬有是諸艱備慘
目無如此地偏四野孤嫠呻冷月一城殘鬼哭荒烟前游
記值春燈節聒耳笙歌攪夜眠賦

重入杭城作

賦

漫憑龜策重追尋，疑信相參倍不禁。
雲慘結一城陰，孤行道路無難。
孽深終莫道海枯石爛總沈沈。

紀夢

瞥若姍姍逝影流，驚回殘夢誤疑眸。
泣應知死誓酬，破鏡會教如後約。
留侍衰親側，替我扶持強解愁。

桐橋謁宗祠寄懷從兄

仲圻

楹書盡灰燼，墓木又樵蘇。
他族處一拜裔孫孤，亂定須家督。
重將哀祚扶。

半行庵詩存彙

卷八

十

溷跡金閨詩以當哭

三興土薄易崩，驚轉劫重逢。
藩財賦蕩如烟燹，場暗魄埋金粉。
駒場張九四西風黃葉最堪憐。

漫說東南第一州，館娃餘豔雲齊收。
記歡場最諱愁，燈簇歌雲萬舫花籠酒霧。
垂白還鄉客重攬梧宮一片秋。

棄地三年積莽深，過墟感盡去來今。
落雕梁燕影沈，揮杵譁蒸城上土。
凝碧池頭路目覩，豬龍飲恨吟。

迫懷失計枉綢繆萬事倉皇醉裏休
蝗陣蔽空風助響大妖哭市雨添
愁艸間殘子黃初歷海上連曹白
版俟盼切王師來擣穴樓船纔向
石城收

匣劍埋光輒自鳴戴天有誓倍難
平寒空雁過書誰寄殘夜烏啼夢
亦驚設醴尙防筓楚市繙經況值
墮秦阬枕干待洩孤兒憤願挈壺
擁道迎

寄和徐晉鋒申江感事之作

斗城危峙大江南雲集華夷結彩
曇閭內軍情如處女行間役事盡
肥男層樓幻市狂嘘蜃幾葉殘疆
恣食蠶聞說旌旗新變色臨淮妙
略待還軍

半行庵詩存彙

卷八

十一

得葉丈廷珩申江書感賦

偃疴聖室苦沈緜卻枉傳緘自海
邊遶憊久知天不弔原情何幸友
還憐反兵力弱終思鬪枕塊神虛
每廢眠視息尙求人齒數蘆中窮
士敢流連

過橫涇哭故友詹文照

魚腹中埋一寸丹臨流追溯涕汎
瀾殉親大節輝黃壤罵賊餘聲繞
碧湍生有至情君克盡死無留憾
我偏難細聽湖上風中樹何止山
陽遂韻酸

讀金蘭生壙詩感贈長句

生不逢辰遑恤死漂寓天涯盡餘
齒刀塗血路幸脫歸得

正首邱斯足矣羨君墮地未出山世上理亂甯相闕敢影
衡門足佳趣返真且宅如等閒藹茲邱貉同一霎料理幽
局掩松篁千古爭名李賀曩百年託命劉伶鍾我懷憤血
灑無地宗祝不靈死非易縱拌甘寢視長眠終苦尸居忍
餘氣蚩尤塞天天亦愁十年疆事泣楚囚曝齒饒殘戰場
曲摸金發及攢宮幽閻盡瘡痍慘心目末路相逢異歌哭
劉驥空尋漁父源司圖早隱王官谷哦詩留作珉石攻闔
棺定論將毋同昌黎諛墓風何盛祇解金多媚死公

送從姪

信三

之武陵

棲息榛蕪總不安一帆渺渺出江干無家可別身還累有
半行庵詩存臺

卷八

七

地能遊路尚寬歸鶴早時城郭改

姪向營歸鶴亭於桐橋宗祠

冥鴻此

去海天寒問津我獨多迷談寄語桃花淚欲乾

卽日書懷

鐵篙子逐逝波流艸竊重看聚螿稠白晝鬪酣紅旆首清
宵歌罷錦纏頭溺驂漂檣新荒渚墜鳥遺鈿舊綺樓回首
可憐佳麗地蘇臺士女素無愁

流寓鷺湖遇石

渠

述事敘哀盡焉有作時將赴申江

卽以誌別

八旬壽母六旬兒

用君定思近稿中句

一樣家祥幸得之詎料嶠南

開蕩劫頓教堂北負恩私殞宮草草君猶憾親舍茫茫我

更悲此去江東韓十四同歸難與杜陵期

申江之行遠道海虞適逢獻城納款兵賊交証舟子

驚懼而返追恨成詩

無奈羈孤力不任於菟窟裏漫哀吟避鉤差免登枯肆驚
繳猶難出故林浙水虛懸江革淚海雲應識管甯心何當
雪夜揮降將掃出淮西路蕭森

示長女楚姑

昨事重提夢亦驚離鸞一曲最淒清沙盆潭水今無恙鳴
咽還留舊恨聲

蘇城陷時見夫婿陳子庚被擄憤投城濠遇球得甦

甯親一棹越江隈誤汝身經兩劫灰刀劍葦葦三百里漫

半行庵詩存藁

卷八

七

天風雪負兒迴

前歲就余杭城又罹一劫女素體嬌是歲弱乃能襁兒於背先子乞食回蘇

擁篲重話舊閨門最感含飴撫弄恩珍重故衣同一泣尙

留王母手縫痕

子前冬遭掠幾至裸體僅一破絮襖尙為故物

回看門蔭痛全非危墜宗祏繫髮微合節頻煩管一祭淚

痕常為外家揮

仲弟澄季弟壇難後皆困頓以及嗣子元信淪陷賊中無計援出

慰情今果勝生男膝下經年共苦甘阿妹孤魂誰倚託秋

墳應唱望江南

次女輿如歸王氏遣嫁未及半載避賊北渡旋死涇州

餓齒餘生毀齒初飯籬屢空最憐渠昨宵燈下牽孃袂笑

問春盤可買魚

外孫端本年甫四歲歷遭蘇杭兩難皆賴母提挈以免

壬戌除夕

暗風吹雨入寒窗用熒子燈前對影雙積慘終身劉越石

強吟卒歲賈長江三年閱練塵千劫萬古銷沈血一腔最

是驚心逢此夕況聞鄰讎視眉厖

渡澱山湖

片帆何日重吹還浪自投符叩海關偃蹇身謀成弩末悲

涼心事詎刀鏃祇知終老宜唐土用會誤牽攀歷宋寰回

首姑蘇雲一抹忍將異域視家山宋士惟當酒闕寬城

初抵申江晤葉丈廷賦贈

顛簸萍蹤逐浪輕海風吹聚積懷傾別來消息皆傳死見

後容顏似隔生番市魚龍多幻態殘郊鶯燕尙歡聲道流

半行庵詩存彙 卷八 古

棲泊渾無奈倖得知交共款迎

馮涉緝索賦十五芭蕉館詩

綠天深處絕塵氛夏雨敲風四座聞迴數陶家門外柳清

陰未免弱三分恐異楚顧案山徵令節擬煩營一祭淚

醞醞書味饜青燈逸興遊從雪裏增摹取輒用清絕景故

應歛衽錫庵僧圖為故友程期

承將甘露湯毫邊拾取吟材貯一編為問薪傳何處得梅

花五百擁金僊君會開詩賦

桂嶺衡文眾所師好承乾蔭桐重持窺園早備輜軒采三

葉分書一國詩賦幾千燈前性濕雙寶道

葉丈以錄藏劉汲晉遊草見示讀竟感題

太行山翠一囊收
擁鼻披險最惹愁
志士卽今多失路
才人自古倦登樓
游蹤歷歷鴻泥在
墜緒茫茫蠹粉搜
我亦枯毫揮萬里
感深篋衍燼餘留

亂後舊著蕩然
幸丈錄有存本

葉丈招飲浦樓有觸於懷歸成一律

朋情不共劫灰寒
破涕重追會合懽
紙醉金迷臨綺構
劍炊矛浙御珍餐
長城空築騷壇固
樂土惟餘酒國寬
祇爲故鄉忘未得
滿前瓊麗劇悽酸

就館保陽將由海道北上留別滬濱諸友

轍環萬里半中土
戰塵逼處棲無所
忽乘番舶狎魚龍
海

半行庵詩存藁

卷八

五

外游蹤垂老補纔離
溝壑登衽席又作諸侯老
賓客此行共道望如仙
誰識中腸痛難白
燕雲吳樹阻且長
春暉逝影天蒼涼
戈揮繩繫莫由駐
空遣西幽綯夕陽

同人疊韻贈行倚裝待發復和一章

環顧南疆少樂土
遠遊畿輔良得所
官程促發仍牽留
索盡同儕詩債補
幾度江樓重祖席
相看等是無家客
凱歌聲裏共旋歸
惜別休言半斑白
籌帷容我建寸長
腔血猶在吹未涼
獨怪天心久相棄
齒加長矣逢孫陽

半行庵詩存彙題詞

別子出鄉關五稔疾如電聞子作壯遊萬里腳無線子今
西川還我行殊未倦迢迢測江邊忽與故人面鬢毛驚漸
衰骨力羨逾健平生肝膽交衆中子特見有道是我師豈
獨情繾綣

君詩出懷衷氣貫十丈虹幽思徑路絕變態風雲通山川

恣遊歷都入奚囊中書生無長物瑟縮寒秋蟲如何下新

灘怒觸冰夷宮

子木過新崩灘觸石船破行李漂沒殆盡

詩人賸有詩窮之鳥

能窮休歌蜀道難姓字鐫蠶叢

見君又送君愁攀江上柳感君意千疊贈我詩一首臃腫

半行庵詩存彙 題詞

一

義薄天耿耿芒干斗君才尙飄零如我將誰咎我痛作鮮
民君喜有老母不敢阻君行且當飲君酒旗亭落日斜延
佇重攜手

貝子木歸自蜀遇於皖江道中有詩枉贈率答三章卽

題其客中吟稿并送旋里長洲宋來鳳

別君三載無消息白下相逢喜動色新詩積卷出袖底猶

帶蠻煙瘴雨溼平生愛製遠游冠長劍恨未誅樓蘭黔山

巫峽銳芒刃愁心何以供彫剜窮荒奇秀未一洩自昔少

人而多石君詩乃盡發祕奧鑿險奚殊五丁力茲才定爲

造物忌入坎出坎厯危地得從蛟鱷奪餘生筆下波瀾愈

恣肆君曾覆舟新 灘盡失其稟 何況憂時老杜陵 滿腔熱血灑層冰 就

中別搵懷知淚我亦風塵感遇人謂林文忠師 巴猿送客聲淒

戀東下湘流急於箭黃陵廟前晝雨昏料爾羈魂已先倦

歸來萬里廿日留看山復放巖灘舟腳跟蓬轉何時休石

頭城下帆初收逢君別君在逆旅酒酣肝膈悉傾吐秋風

蕭滅江水寒青田鶴又橫江去還君此卷意鬱紆無形榛

莽塞道途亟謀息壤計豈迂盍作識字耕田夫

秣稜旅次喜晤

无咎仁兄見示半行庵稿讀竟憮然意多感觸題贈是

詩即希印正

半行庵詩存彙 題詞

咸豐二年壬子秋八月嘉定夢盦弟程庭鷺呈稿

昔游溯秦淮交臂未君識辱借管城子謂管君蘭滋 見訪臯橋

側惜我為詩人贈言眷何極遇回成報章聊復寫曾臆行

吟來郭西君又去鄉國黔雲楚樹間勞我長相憶

亡兒授經地江冷家后擅我來一榻下悲悼時汎濶君屋

近咫尺走訪良不難哀慵百事廢舉足如有闕何期略形

迹復此申舊歡示我詩一快解我眉雙攢

造物亦愛才攬詩入江旋殘編此僅存追寫有餘戀境險

詩益奇山川闢生面卷中咄咄吟憤激淚如霰邇來村舍

農揚竿競思變嗟哉民生艱豈獨一鄞縣謂卷中哀甬東之作

旬餘讀未饜掩卷旋復開君亦不我鄙諍雨能頻來主人
蕭齋冷觴客傾舊醅縱談及時事眼底皆鴛鴦楚氛勢日
逼何者匡時才吾曹書生耳且覆殘年杯
如被酒過君家相攜入蘿徑小園數椽屋黃梅妙香孕區區
將母懷我亦感塵甑遠游豈得已虛此林泉勝坐久生暮
寒栖煙鳥喧定踏冥歸寓齋缸花動吟興
如

壬子歲暮小詩奉贈

无咎仁兄卽題大著半行庵詩卷後吳江冶伯弟徐晉
鏐

晨夕相見人別已七年久萍跡各一方暫歸忽聚首晤對
半行庵詩存彙

題詞

三

亦偶然恩恩易分手快讀數卷詩進境得未有天遣君成
名得力在奔走飢驅作傳人浪游良不負而我愧無成轉
瞬挂帆又

壬子歲暮暫歸故里喜晤

子木并讀大集不能無詩率題呈政同邑子上弟張源

達稿

萬里行歸閱歷新依然書劍老風塵千金結客誰知己一
藝成名亦可人劫後湖山餘別感

去春杭城失陷近又戒嚴

醉中歌哭

遣愁身如何著述多零落文字由來造物瞋

君詩稿迭經散失

入參戎幕際多艱肝膽輸函鬢已斑鼓角哀聲連戰壘弓

刀遠夢繞巖關寄家幸及高堂健經亂都無故土還祇藉
阿咸重問訊幾時相見破愁顏胡本論會大會韻鼠

潤蓀秋杪之杭城與從叔子木數相聚今來備述近況
感成二律寄懷卽書半行庵稿後同邑弟劉禧延

迢遞天涯返一棺三年手札怕重看思親空羨徐元直避
賊終爲管幼安

初因訪母溷跡賊中旋即
到滬由海道北上就幕

身去祇餘詩卷

富魂歸仍趁海濤寒生還此日聞君到定復聯吟補墜權

北行時有詩留別滬濱
諸友同人皆疊韻贈行

聞貝大子木旅櫬南歸偶檢閱其壬戌癸亥兩年吳門

津門寄書賦此追悼卽書其劫餘小草後乙丑三月同

半行庵詩存彙

題詞

四

邑十如老人葉廷瑄

中年抑塞能增氣杜詩艱危
氣益增末路飄零更助才駿骨真看

酬舍價蛾眉豈料負良媒癸亥春中丞李公薦君於直隸
制府劉公幕司章奏在途病卒

制府命屬吏妥爲殮殮越歲
又厚聘俾歸櫬質未識面也身甘殉生原贅名待詩傳

志已灰琢玉坊前一編出交情祇此報泉臺尚有咄咄吟
二卷因貴瑣

未同天賦一詩三半年計前重音思賦空羨卷示重選

偕同人校刊半行庵遺詩旣成慨念子木生平附書一

詩卷尾葉廷瑄再識

文能草檄武刀槩無命皇天底賦才飽食太倉騰鼠子飢

驅歧路泣龍媒祖鞭乍著已塵夢謂君應聘北
行旅歿事韓集誰編

幾劫灰尚有定文同志在招魂直欲上西臺

子木遺集刻事將竣調生丈有詩題後卽次原韻同邑

甘溪雷浚

劫餘詩境苦一讀一沾襟徐庶爲親屈謝公憐女深生存
少歡趣老至贖悲吟不到艱難處誰能諒爾心

子木仁兄出示劫餘小草讀之淚下率題律句時壬戌

非冬同棲鷺湖同邑梅孫弟石渠稿

此才豈合老儒冠旅食天涯到蓋棺好句都從愁裏得奇

山慣向客中看一編厄運何妨再千古詩名定不刊善本

雷真徧傳播交情最是石林難

子木遇難重失其稿
茲取調文錄本付刻

半行庵詩存稿

題詞

五

半行庵遺稿刻成題後並簡調生丈丙寅仲冬石渠

足跡半天下老爲航海遊價空酬市骨夢竟失回頭塵世

兵戈誤名山箸述雷光芒猶萬丈其奈此生休

卅年空識面數日與論詩

癸亥之春遇丈
滬上始共唱酬

重讀人何在深

交我已遲鍊才作金石遭忌及蛟螭

謂峽江覆舟失棄事

殘卷須珍

護千秋賸有斯

同人議刻貝子木丈遺詩漫書卷後二首丙寅三月瘦

羊潘鍾瑞橐

天懷尚

尺民圖

書翰

書山章

